

卷廿六 五言 挽詞

廿七 七絕

廿八 七律

廿九 七絕

可齋集



可齋雜藁卷之二十六

五言

曉行梧桐嶺

擔簦畏炎暑，肅肅問宵征。
馬首已十里，雞聲繞五更。
雲迷青障小，月掛玉鉤橫。
農舍欲安枕，戒奴毋大驚。

轎中假寐

孤枕欠曉夢，短輿償午眠。
籃搖小兒卧，龕定老僧禪。
少暝溪山眼，良勞僕從肩。
醒來斜日暮，亟喚玉驄鞭。

過京山

總角嬉遊處，重來轉盼然。
溪山猶昨日，朋友盡中年。
舊話逢人說，新詩為客傳。
喚回風雨夢，猶記北窗眠。

入郢訪張學賓因觀舊句有感

此君嘗識面閱八載重來倦鳥欣曾宿樓寫去不回
墻陰餘舊墨砌下長新苔多謝東屏主時、為拂埃
登郢州白雪樓

野迥乾坤閣樓高歲月滌江山不今古人物幾登臨
雲影埋荆樹風聲快楚襟何須喚商女白雪想遺音
登郢州四望亭

曼出煙塵表乾坤指顧中數峯連野迥一水與天通
沙外迎孤鷺雲邊數亂鴻家山在何許心與大江東

和韻蜘蛛

物有小而智虛簷寄微縷了不介天地何以茫風雨

蜂蠆嘗自投螳蟬不敢侮去面類湯網取象得義畧
絲吐雖非蠶蠅視有如虎真巧非人為羞煞金針女

入蜀墊江道間二首

紙被夜受用布袍朝奏功光陰半行客氣象一衰翁
何事朝伊夕絕非兩即風年華苦相背歸去又匆匆
驛路交游熟江山契分生故人梅撲面薄倖柳忘情
馬躍霜橋步雞啼月店聲豺狼俱斂迹應避使車行

用從軍古云樂為韻賀揚覺甫制幹

海宇材能盛風雲氣類從一賢居上介千里折遐衝
咨事須孫楚論詩得正封城南未為好終不似烏龍
明君切西顧元帥作中軍賓客湖南上人材異北羣

三鱣存絳帳一鶚在青雲磊、軒天地詩書有雋勳
求士近取材論人遠稽古鄭公得杜陵晉公有韓愈
上思利社稷下不愧賓主斯言宜服膺餘子未足數
國有金湯在鄰修玉帛云夷侵由廢雅苗格自敷文
當宁形宵慮公車以歲聞便當從幕府入校道山芸
伊昔先賢心天下等憂樂時分蜀道弓慮切漢關鑰
揮刃得屠牛察脉寬扁鵲岷峨望不淺持酒為君酌
用談笑清油幙為韻賀吳叔永制機

取士雖多術知人在片談文書今倚重謀議許相參
餌陋賈生五策明劉旣三坤輿方厚載朋利得西南
勳業登天難易者付嬉笑公駕鷗鵬風來把鯨鰲釣

自比小管樂致主在周召此突豈待黔早晚有明詔
弟兄眉最白人物眼常青論事猶迎刃談兵若建瓴
訐謨皆上策道德有強形辨却聊城矢還書劍問銘
唐邊重秦隴蜀鑿在江油不易九鼎重方兼四履憂
其間不容髮自此可前籌局面西風異從容夜觀謀
未登紫薇垣暫依紅蓮幕于巷為遇主自牖常納約
我生類巢燕君聞羨臯鶴聽取輿人言岷峨小難着
題劍門寺和費伯矩韻

不見臺城事君母說苦空佛隨千劫盡人與萬山雄
吊古春醅綠談兵夜燭紅終宵皎無寐萬壑響松風
登閬州錦屏

久識屏山面今朝得勝遊橋梁橫古渡樹影倒中流
風定春檣度煙輕晚市收凭欄誰領解一鷺點沙洲
登果州金泉山和韻

故跡存樓鶴高風掃鏡寫煙霞扁地邃冰雪照人寒
妙句揮濃墨仙顏煥渥丹維云歸棹晚猶及附飛翰
過忠州訪鄴都觀二首

是山来自古與世類相忘兩染新苔翠風吹老栢香
神仙多漢魏祠像半隋唐幾許煙霞侶相從老比鄉
迥絕塵埃表寧無造物司鹿馴貪客過龍老惡人窺
丹去爐仍在雲生洞愈奇歸舟天盡際杖屨復何時

過江陵和黃虛舟韻四首

詩從隻井來太史氏復作一葦天地航元酒滋味薄
有田付鶴原此屋賴虎幄却笑草玄池投閣嗟寂寞
達人樂所樂小智憂其憂平生見飛鳶常憶馬少游
門前車騎喧孰與園林出虛舟苟欲去鷗鷺猶當留
聞公有泊渚不遠在異林想勝輞川畫時作梁父吟
絳帳豈陳迹草堂向遺音朝市有真隱入山無求深
士有似之者異世而同科草亭今蘭亭人物晉永和
於水鮮可釣有酒旨且多叩舷欠孺子一賦滄浪歌

襄州道間驟寒

涉盡江湖道嗟々寸步難風敲蘆葉響雨作菊花寒
市酒無嫌薄征衣正怯單家山在何許回首路漫漫

和羅季能上巳習池送客

一雨洗紅蕙春深畫欲眠綠潭波滉漾紫陌騎駘翩
襖事懷觴豆官身苦檻圈只今王逸少重見習池邊
過樊城用劉清叔韻

古壘連邊色煙蕪帶夕陽千年周翰祀一瓣楚人香
樓堞新宏壯丘墟幾廢荒客懷明哲戒飛夢繞吳鄉

登峴山用劉清叔韻

向來碑在所今見下牛羊竟逐江山老名流史傳香
吳謀千載偉晉事一丘荒不用凭高看中原尚鹿場

淮西幕自皂口入潁道間

竟日百餘里相逢三數家平崗盡茅葦沃壤舊桑麻

短樹巢歸燕荒城宿亂鴉興亡誰與問馬首夕陽斜

至潁州訪故老

去汴五百里通淮十八村新河南地荒原王翦骨廢
井伍奢蒐舊築河南塢新城塞北屯百年遺愛在六
一故碑存

離潁州道間

戰場千古地咫尺是京河遠塔連荒墅深林長亂柯
路迷人跡少草密獸蹄多憶着中原事令人撫劍歌

曉行潁上縣

斗大一城壘角分雙佛圖戍營多甲士耕隴少丁夫
月落雞聲杳風高鴈影孤征人皎無寐趣馬問征塗

八公山憶廉頗

在楚猶在趙始終同一頗晚年猶矍鑠勁氣肯消磨
非老無能也如時不利何漢皇還拊髀用壯莫蹉跎
淮淝憶幻度

世未聞風鶴香囊一少年秦非無敵者晉固有人焉
社稷一枰上山河孤注然江東正朔在或者謗諸天
黃州上巳和王子方雪堂韻

五年安出處斯道繫污隆血指笑餘子頭顱老此公
屋梁懸落月花卉帶香風生氣鎮長在大江流不窮

贈富春子

予頃漕金陵始識富春子於督府人物如林中

一見謂予為今日之役且曰必繼趙東閩是時
直付一笑閱五年過江相訪扣以昔占其來今
願占其去乃卒無所答臨期索詩因書以贈

向說淮東役江東始見時相逢無別語所問者歸期
戎馬紛何已著龜聖得知天津橋上看成此蔡功誰

贈鄭通庵

與子前言戲驚人昨夢然辦心求學道絕口戒談天
適我煙霞外任渠牛斗邊明年茅屋下共玩養生篇
送揚州胡倅赴堂召

擊楫同呼渡勒公佐此州邊防新績用湖學舊源流
未了平戎檄還催向關舟君王方仄席檣燕勿遲留

里社久相於，深知我計疎。壯懷方磊磊，別語又渠渠。
竟日猶傳箭，何時可荷鋤。煩君看三徑，松與菊何如。

贈李尉歸雲川

佩玕示良規，恤緯寓憂抱。人為海鷗懼，誰謂屋烏好。
子別肯贈言，我愧未聞道。藥石十數字，喚醒知幾早。
和清湘蔣省幹酒色財氣韻 辛巳年作

爛醉非生涯，小人若甘醴。斧斤戕天和，狂藥害正禮。
可惜竹溪逸，不飲頽之水。名教有餘樂，公未知趣耳。
風花落春紅，歲寒傲霜竹。彼欲褒如笑，焉知周人哭。
白髮悲梨園，芳草慘金谷。無使桑間音，亂我杏壇曲。
網者棄魚，小獵人貪鹿。肥不見阿堵，物見惡寧馨。兒

銅山變荆棘，錦帳啓藩籬。萬物與同毀，千駟吾何為。
乾坤一枰棊，今古一盃酒。悲哉易水荒，陋矣鴻門斗。
將軍跨下出，宰相箕中有。唾面使自乾，拭之費人手。

小亭閑止

草、家林適時、步履過跨，流通略約。枕岸擬牂牁，
牆外千竿竹。亭陰數畝荷，年豐遂閑止。老境足婆娑。

宣公祠

公不生唐世，貞元事若何。主恩思報切，臣罪忤時多。
佞舌攻何忍，剛腸死不磨。倚闌凝佇久，一鷺點滄波。

招里巷諸友和韻

小有家林適，歸來已恨遲。引盃懷楚舞，飽飯和陶詩。

慷慨多新語綢繆半舊知夜深橋雪滑亟命短筇支
諸友遲留待雪再用韻

護風須飲劇待雪拚眠遲舉席俱佳客揮毫盡好詩
冷蕓梅畔覺清響竹間知莫憶征鞍夢從渠下月支

已酉赴桂初宿會江驛用徐意一韻

江海三吳會萍蓬一昔棲路迎來阜北船趁長潮西
魚鳥隨情適鵬蜩付物齊羊裘人底處烟雨故蹤迷

過三衢道士鄭雲谷出示謝叔達詩因和韻

世事閱江浪高情寄空雲佳氣挹西爽好風來南薰
交情懷契開行役苦纒紛一節歲寒在東山有此君

題醴泉驛二首

遠役三纒二憂端萬有斯君恩知欲報子難痛何追
我馬方瘖矣秋陽更暴之願言行役者當暑戒驅馳
路遙須到日官滿有歸時一點終身痛中途孺子悲
老難堪此境咎必有其基扶僊隨緣去空餘淚雨垂

題二水光華驛

歷、湖南道駁、嶺右州感時僧解憂觸事客驚秋
雨洗流金虐風生落水愁一萍如寄耳往夢付悠、

登獨秀臺和徐意一韻

老樹憑高看出禽向靜聽霜輕冬意薄日正午陰亭
榻側從他軒江頭自獨醒居然山是似環顧寺繁星

出郊劬農口占

小約賓僚集相招父老耕寺依青帶任人在翠帷行
疊嶂堆春色微雲護午晴時康田里樂歸騎踏花輕
劬農歸遊白龍洞

老龍昔未蛻嘗蟄此山中霖雨春疇足風雲夜壑空
兩崖高下倚一運往來通不願千金劑惟祈百穀豐
春日領僚屬遊龍隱巖

久卧蒼崖底風雷為擘開蛻形猶掛石鱗迹不沾埃
一水將清貫數峯推燕來渾疑負舟去烟雨肯低徊

自和

一壑馮夷宅五丁盤古開天將作甘澍地豈著浮埃
梭化雷陂去槎乘星渚來猶疑真隱在搜訪莫徘徊

題千山觀

玉筍環星拱青螺帶霧披山為天下勝境占嶺南奇
援筆難窮者凭闌盡有之不因身世累築室老於斯
禁煙前一日招幕屬小集林提幹有詩和韻
草草登樓適英流邁昔賢詩篇長慶集人物永和年
訪古宜聯社傷春又禁煙青帘家酒賤贖飲莫論錢

桂林即事

每測南方候時驚北客心一冬無鴈過三月有蛩吟
捩暑常臨午梅霖不待壬近來知節適不怕瘴烟侵

又

一日四時具從來五嶺然留連落花雨依約熟梅天

瘴重常垂泊春深未脫綿新來那戒飲未夜已思眠
霽後登水雲閣凭欄偶成

雨逗雲煙幕天成水墨屏江添半篙綠山失數峯青
某寺藏松塢誰舟繫柳汀杜鵑聲正急那對夕陽聽

洞庭口占

舟子方將北封姨不肯南去帆衝急浪古寺隱晴嵐
遠渚鴉千百中流鷗兩三短篷聊徙倚底用客程貪

重過岳陽

遠役數千里重來十四春山城風景舊人物歲時新
官舍多陳迹君山是故人樓頭一杯酒聊滌客襟塵

荆閩偶成

一出嶠南道重來國北門詞源因老涸心鑑以憂昏
可厭惟官事難忘是主恩衷懷誰共語流得枕邊痕

題范蠡五湖圖

色美示來鑒功成思去謀桂棹與蘭槳並袖而孤裘
夏姬宜去楚妲已肯歸周恤緯寸心在鑄金千古求

又

美婦天下有忠臣古來稀去國不潔名避世良知幾
寧侶我舟楫毋着君宮闈平生萬事足偕老五湖歸

又

江湖存魏闕翰墨寓規箴君看龍眠畫當識鴟夷心

題黎推院詩軸

別二十三年來呼沂峽船昨遊春夢爾故友曉星然
廉譽盈詩卷忠謀在奏編阿蒙頑自若應笑老窮邊

題林路鈐詩軸

過眼多陳迹論心只舊時難幾年事感際數公詩
覓句新尤健談兵老不衰効顰聊爾耳莫說姓名誰
和吳居父江陵雄楚樓韻

歲月等新成風烟只舊遊柳薇今堡障蘋蓼古滄洲
索句慙已和懷人笑楚優中原雖在目無事莫登樓

挽詞

甲申

寧廟挽詞

德化勤三紀仁聲溢九州澣衣昭禹儉吳食軫文憂
潤色恢鴻業艱難啓燕謀中興宗漢廟端自敬天休
自聽山東詔甘泉息夜烟璽膺新玉帛固負舊山川
望切堯民日憂形祀國天中原尤感泣不獨老臣然

挽虞滄江提刑三首

南渡稱名相西來見嫡孫蜀珍交友盛雍國典刑存
桂苑連鳴鹿楓宸擬造鷓平生經濟略雅志在中原
隼旗三易守駟轡兩觀風欲掃龍庭穴猶參虎幄弓
草餘周圍綠粟積漢屯紅野渡方橫棹俄成夜壑空
自得滄江勝歸來伴鶴龜晚年尤好易暇日且論詩
欲問更生佛非關二豎醫諸生母拭袂公訓有餘師

挽龔致政二首

師友龜山出世家，熊楚來決科。輕地芥種德，付庭槐
祿享千鍾。養年登九袞，開可為朝野。惜袖手老其才，
綉節榮分使。班衣喜拜親，方將昌厥後。豈必在其身，
真館仙遊遠。佳城瑞氣新，九原看厚報。袞、耀絲綸
挽觀使鄭尚書三首

許史推華閱，歐韓策雋名。風流接南渡，步武到西清。
玉帳勞籌筆，彤墀識履聲。壯懷馳萬里，誰壞國金城。
秉鉞岷峨去，分弓淮海遊。安危勤閫略，得失暇家謀。
不易猗蘭操，何傷薏苡羞。蓋棺公論定，知罪付春秋。
憶昨從游日，烏奴桃李春。通家耽雅好，入幕廁佳賓。

綠野歸心切，丹山舊跡陳。九原多感愴，掩袂重傷神。

挽吳總幹二首

慶積家聲遠，材優官業長。胡然晉諸用，竟爾老於鄉。
德與年何憾，人期後必昌。秦原空睥望，惜此典刑亡。
夙托彌甥列，常懷范叔寒。門闌多厚盼，樽俎有餘驩。
衣笥袍猶憶，書郵墨未乾。官身羈執紼，清淚為公彈。

挽吳準齋二首

持此四海準，得之前聖心。筆瓢富臺閣，朝市等山林。
說破先天易，流傳正始音。太元千載後，思者甚於今。
昨綴都人士，嘗重一瓣香。蒼茫問淮浦，繾綣餞河梁。
聞道機緣淺，予人風誼長。斯文其已矣，草木亦淒涼。

挽吳文昌母夫人二首

懿範儒家出靈臺佛地平活人裨惠愛教子以忠清
康肅母無愧中郎女有聲老天昭厚報蘭桂滿庭榮
慶事一門盛修齡七袞強綸封四大國綵侍兩文昌
夢幻存真覺勳庸看顯揚宗山空睇望惜此令儀亡
挽大資節使史國公三首

德齒明時冠詩書正派深修名在原隄雅志已山林
眼歷四朝事神交千聖心老成天不憖大雅有遺音
早袖經綸手傳之柱石材無心到孤棘有德付三槐
五鼎方身饗兩楹俄夢回百年流澤遠哀、幾公台
昔綴都曹後升堂拜父師遠尊塵異盼國士沐深知

鶴髮人何在蠅頭字尚遺遣車無路送揮淚望豐碑

挽何司令二首

太學何蕃譽當時藹帝鄉五聯掾華萼三折桂枝香
司社騰聲望題輿迓寵光竒才今已矣流慶在虹梁
憶昨初傾蓋同登巴岳樓江淮重邂逅幕府綏綢繆
夢絕秋城拆人隨夜壑舟潛山歸路杳草木亦淒愁
挽吳鶴林尚書三首

鳳翥鶴林邑來儀鴛鴦羣陳謨傾帝聽搗翰媿皇墳
位且踐台斗心惟寄岫雲詔綸方夜下天曷喪斯文
一代儒臣表三州吏治良遺言了生死新誌盡行藏
昔夢崖何異今知坡可方百僚山下路千載尚名香

寶屏傾蓋早公壯我丁年入幕笑談舊升朝禮樂先
寄書榆柳外覓句竹梅邊俯仰成疇昔空餘涕泗漣

挽李樓山觀文三首

展也岷峨秀鍾為柱石臣直聲留諫紙碩望壓朝紳
羣議上師銳孤忠主聽陳天其昌我宗克舜致君民
兩登樞輔地一武宰衡班利澤繞膚寸良方縮肘間
重為千載惜竟老十年閑回首西州夢吳中第幾山
相從劔南幙公壯我丁年真彼諸生後薦之明主前
承顏台袞近托迹午橋邊壤屢千秋隔潛然老波漣

挽肇慶胡守二首

湖學源流盛鄉評聞望推班終列留邱材豈止公麾

正擬梅邊喜俄成薤上悲人言公不死蘭砌典刑垂
里開游從早江淮契分稠勤君分月駕共我濟風舟
日者言猶在良乎嘆莫留佳城雲水隔老淚逐江流

挽蜀帥趙侍郎

蜀賴宗臣力劔光星斗高位終登豹尾身幾付鴻毛
節槩公何慊時艱運適遭岷山如不壞難泯此忠勞
西證膏肓急人推倉扁醫惜哉當局晚為此厲階誰
公在民猶望公亡事轉危忠魂千古在近有紫巖知

可齋雜藁卷之二十六

嗣男杓編次

可齋雜藁卷之二十七

七言絕句

池陽清泉舊名鮑公泉又名趙公泉真西山
易為清泉坦齋作記

泉流巖竇本來清易以清名亦狗名却笑兩公徒蚌
鷗如今羸得坦齋聲

舟過雲川二首

一簇樓臺鎖翠烟雨疎溪閣晚秋天西風吹老芙蓉
院兩、鷗鳧傍水眠
水遶眉峯碧一灣荻花楓葉暮生寒呼舡催向漁村
宿要買鮮鱸薦晚餐

過鄰水道間

竹新得雨筍爭綠蕉不知霜花自紅時候江南二三
月調肱元氣此杯中

鄰水寺有竹數百竿中有孤梅可愛

蕭、勁竹古君子凜、孤梅節婦人不作東風蝴蝶
夢短籬流水一家春

訪閬州讀書巖

從來廊廟出山林師友相資好弟兄料得至今風雨
夜山神猶記讀書聲

題利州道上江月軒

何用朝、夜、鍾一拳打透徹虛空詩僧不見禪僧

老月自西沉江自東

和江陵闕幹風雨問訊虛舟韻

使君簾幙鎖香篝方把千金製一裘好是孤燈風雨

夢夜深直度野人舟

無人載酒朝耽倦有客携琴午扣扉却羨渚宮魚鳥

樂菰蒲深處日相依

和劉清叔襄陽草廬韻

白馬盟存矢弗寒既其肆矣肯泥蟠風雲未合星先

隕輸與江東日月寬

萬壑長松幾歲寒老龍曾向此中蟠而今肯為蒼生

起何止徧方蜀顧寬

和尤帥長贈鄭通庵韻

生涯休問粟儲餅有酒盈樽不用醒已分我生箕斗
直車舡奚用命奴星

此別何年此會重翁無占我、占翁我官翁卜無相
遠聞早歸欵計則同

茅山玉晨觀和壁間韻

天風吹我上高峯上到山頭日未中便可高眠莫歸
去人間易得鬢成童

太府寺梅花盛開和曾玉堂韻

姑射丰標慣野塘不虞水部入佳章雪邊未了孤山
約儘有春風一面粧

蕭々官舍自寒芳清夢何從到玉堂唱徹涼州太催
逼何如鐵石廣平腸

贈相士錢嬾溪

軍書蜂午中有持風鑿造見曰觀色可以驗祥
異謾一叩之出諸公贈嬾溪詩卷此何時而可
言詩乎盍為我識一虎頭燕頤有食肉相者為
朝廷任西北大事使拙者得縱解林泉之下若
是則所謂嬾者不在子而在我矣因贈以二十
八字

塞北煙氛掃未開何勞青眼過江來道人已辦游山
履福將誰勝上馬杯

和傅山父紅梅韻

獨立千林壓衆葩
正由風骨傲煙霞
誰教羣玉峯頭
客也染紅裙一幅紗
節士耻隨時世粧
若為嫵媚着春裳
何如清淡甘天
分莫與兒曹較色香

阮梅峯舉似題高沙郡圃醉醒亭絕句因繼元韻并簡蕭史君三首

客有談君製小亭
旋栽軒竹蔭池萍
應憐春色濃於
酒醉得園花睡不醒
揚柳依、拂短亭看、飛絮又成萍
老來世味都嘗
遍不待鄰雞喚夢醒

所寓皆同一旅亭
紛、萬事細如萍
醉翁能解邦人
樂時一中之勿太醒

和王潛齋韻送聞人松庵二首

田園蕪矣好東歸
今昨從渠較是非
荷子遠來無所
問江湖雅志莫相違
子之為術我為官
以易占之火在山
同在雙湖、上
住大家携手故鄉還

宜興山房十首

曉起爐煙一缕清
梵音繚繞檻軒行
頃更日上松梢
了又聽齋鐘相應鳴
齋罷雞聲轉午天
地虛人寂境蕭然
兩三兩子自來

去時取茶芽煮澗泉

簷影亭、日正中、莓苔不掃、絕塵蹤、閉門相共蒲團
坐看讀華嚴一卷終

薄靄垂、欲暮時、漸生霜氣、着征衣、山深不見牛羊
下惟有樵人荷擔歸

燒罷天香、月半昏、掩高才、了便呼燈、窓前誦徹淵明
賦、却傍禪床聽葛藤

月暗山空、夜倍長、清談消遣、睡母忙、山中新酒、幸堪
飲、何惜一杯相共嘗

四壁寒蛩、作苦吟、喚回旅夢、約三更、不知身在禪房
宿、誤聽松風做雨聲

薄、新寒透、被輕醒來、窓隙弄微明、山中不用梅花
角、自有枝禽報五更

俄頃鍾聲到枕邊、朦朧曉色試霜天、披衣欲起渾無
事、贏得平明一覺眠

稚子敲門喚起休、金烏早照屋山頭、飯餘欲看蟠松
去、可是今朝作雨不

自和山房十詠

新來詩思與秋清、野徑無人適意行、過盡青松知小
雨、隔林恠見竹雞鳴

閑雲一片在堯天、乞得歸棲豈易然、肉食半生空白
髮、且餐湘菊薦寒泉

坡翁昔愛是山中我以何人敢比蹤
築室買田居此下閉門讀易保吾終
人生須富貴何時駟馬還家只布衣
林壑幸便麋鹿侶不堪寒色逐人歸

禪房寂：夜昏、相對長明一點燈
舉似新詩共僧話笑儂綺語污溪藤

尺寸功名幾短長區、馳騫等空忙
皮毛盡剝丹心在世味風霜已飽嘗

蕭、風籟助清吟秋去冬來令又更
惟有老禪都不管任它簷鐸作何聲

鄰有山田價似輕擬求種秫効淵明
相逢村叟問誰

者嘆息年來主屢更

真機渾不露中邊自是閑中小有天一飲且拚今日

醉萬金不博五更眠

舟子來催歸去休朔風吹浪打船頭
挑包又作家林計還是梅開酒熟不

定花阻風五首

客纜相銜繫柳邊不禁雪浪苦粘天
尋常溪口魚鰕賤今度船留倍索錢

準擬新烟定到家可憐漂泊對風沙
見他紅雨飛籬落憶殺小園挑杏花

綠柳橋頭舊酒壚幾番艤棹勞篙夫
恍疑風撒青帘

去敵盡荆扉開不酌
夜色昏、帶遠烟誰家燈火待歸船小遲月上風須
息且伴白鷗今夕眠
邊湖六、片時程况可籃輿度岸行西舫東船從此
辦任他風浪與陰晴

和傅山父小園十詠

剖破藩籬出一頭要追巖壑老人游知他栽得花和
竹髣髴舊時風度不
喬木豈能忘故國結茅聊復紀新亭此君玉立傍無
友獨有幽禽靜可聽
着我數椽浮翠碧借公一水漾琉璃心閑境樂鎮長

好拈起風光總是詩

竹邊聞鶴思高舉松下觀禽覺倦飛幸有故書千帙
在呼兒共讀嗣前微
蒼苔迹在堂無燕綠水痕生沼自魚回首釣遊徒感
慨何時復古喜而書
招來暇日頻呼酒買得清風不用金月姸水妃無老
態天光野色有遺音

一室掃除才斗許幾番醉夢與梅清瑀戈翠節成何
事紙帳蒲團了此生
宜琴宜奕尤宜酒種竹種梅仍種蓮意得無時不堪
適可人不只是荷天

賸種秣秣供靖節要餐
祀菊學天隨不知底事池塘
夢猶到邊城月暗時
蠟英要占菊天破玉樹須乘梅
雨培金粟如來還出世清香不許別花開

和水竹梅燭韻 二首

南枝肯領衆芳隨一點
冠名在處知摸索暗中香
自別底須絳蠟逼輕肌
誰將花燭聘東風與海棠
時恨不同意足不求真會
合何妨一白對千紅

登桂林直樓和李帥柱間韻

誰言南服遠王畿
面青山總是詩
桂後梅前正清

淑倚樓但覺九秋宜

送李琴士據梧六言

流水高山爾調冷
灰槁水吾心不必神
交蒙叟柴桑老子知音

戶外世塵皆累山
中天籟無聲莫看蟬
蟬相捕要教鶴舞魚聽

題馮司法水月書堂六言

水能清亦能濁
月有滿亦有虧
清濁滿虧區別馮君書以知之

玉局仙翁公案梅亭老子偈
言莫向空中投影要須
達處窮源

嗣男 杓 編次

可齋雜藁卷之二十七

可齋雜藁卷之二十八

律詩

丙子登峴山

漢江為帶楚山維多少興亡此地知
萬里邊風寒故壘千年隴月老殘
碑塵迷拓土龍根幻水澆擅溪馬
骨悲舉世豈無羊叔子草萊猶未起
男兒

宿江州藥王寺

指點煙林正午鍾亭樓閣有無中
鋪張翠蓋松間日掃洒紅塵竹外
風啼鳥不驚禪入定落花無跡色
成空解鞍暫作今宵歇恰與雲堂
旦過同

壬午昌化道間

二六

暑雨初寒路兩經，二童一馬影玲瓏。
簷花夜滴溪添綠，雲葉暮橫山減青。
箭筈芒鞋今古道，竹籬茅店短長亭。
未妨老子登臨興，解却征鞍且暫停。

過廬山

問訊康廬幾度經，何時袖手摘天星。
世如春夢空頭白，山似故人終眼青。
便欲移文尋鶴帳，又還呼渡過鷗汀。
它年學得香山士，定結茅庵入翠屏。

寧國道間喜晴

怪得虛簷寂溜聲，起來雲淡月微明。
只消一夜西風力，盡掃千山宿霧清。
農舍少酬終歲望，客途擬過小春晴。
枝禽亦似欣人意，飛入烟林自在鳴。

寧國道間即事

楓染醜顏菊亦酣，霜天風味飽相諳。
馬蹄去去江之北，鴈影來來塞以南。
雲外數峰輕抹翠，雨餘一水碎揉藍。
肩輿催問誰家宿，落日西山已半含。

蜀江和周昞仲百丈韻

欲知峽路打灘渦，千尺蒼筠用力多。
進退不煩蒿影動，東西惟聽拖師呵。
命垂一縷惟天耳，力挽千鈞如水何。
爭似錢塘江上路，夜深微櫓聽吳歌。

和周昞仲過踏洞灘

堪於瀆淖上舟難，爭似山坳住舍安。
雷鼓喧呼人挽纜，風鬟笑語女盤灘。
倦憑林酒生春思，愁怯衾裘禦

夜寒多謝新許慰牢落燈前一笑病懷寬

題夔廟鎮峽樓

峯巍鰲柱疑媧立地峻龍門自禹開山色半昏朝欲
雨灘聲不輟夜何雷雲屏烟障相迎送沙鳥風檣幾
去來徙倚闌干不知倦一詩彈壓愧非材

題孔明白帝二祠

過夔門有孔明及白帝祠因念東都興亡此其
始末其興也以公孫姦雄而不能撲中天之火
其亡也以孔明之英傑亦不能救中營之星二
公成敗不同而俱以廟食

安劉事固異危劉相去英雄二百秋火德方中徒僭

帝星營何隕遽亡侯草廬龍去存吳恨陞戟蛙狂遺
漢羞成敗不同俱廟食寧非霸業結偏州

連日過灘

一灘纔過一灘催雖若危哉亦壯哉白狗甫隨狼尾
去黃牛又逐虎頭來狂渦逐淖幾成沸墜石穿江亂
作堆堪笑舟人詫春漲沂流難及順流回

昭君溪

巴峽向來惟屈姊漢宮奚事出明姬當時本有平戎
術中國難容絕世姿忍死定仇妾敬策惜生不遇武
皇時後人却幸毛延壽斷送春風入遠夷

益昌官舍簡兩仲

不管天涯與海瀕萬紅千紫一番新
樓頭鐘鼓三更雨
墻外鶯花二月春
風軟鴈奴歸羽急
日遲鳩婦喚聲
蘋青門載酒運閑事
愁殺英雄老塞塵

初夏即事簡炳仲

夏雲方建漢旗赤
春事已如周轍東
幾度炎涼經嫩綠
一番榮辱委殘紅
杜鵑豈為歸心設
蝴蝶也無清夢通
萬里天涯喜強健
贖開窗牖納南風

利州登棧道

足跡初來劔北州
試登危棧瞰江流
萬山西接地窮處
一水東歸天盡頭
欲訪轂函無健馬
相忘楚漢付輕鷗
丈夫要了中原事
未分持竿老釣舟

侍親勞監遊雪峯

一水橫橋碧作鸞
兩山排闥翠成環
寺居野色煙光外
春在人情物意間
點檢花梢香淺淺
摩娑苔刻字斑斑
門前車馬空來去
雲自無心鳥自還

丙戌春過梓潼即事

天公殊不問西東
物意人情處處同
麥壟綠雞猶欠雨
花蹊紅穉不禁風
子規又喚天涯客
布穀還催田舍翁
欲挽遊絲綢春住
歸鞍催我又匆匆

宿柳池松風亭

軋、肩輿上劔門
春和身健快於奔
風翻紅雨摧芳信
山帶青烟入燒痕
領略物華無好句
破除旅思有

清樽高人喜與松風接莫遣梨花到夢魂

丁亥沔陽春時即事簡吳叔永

朝來漸可試春衣弩末輕寒力已微木葉未繁山尚瘦桃花欲落水初肥疆陲虜逐征鴻去庭館人隨社燕歸紫陌青門無恙在不妨携酒問芳菲

題漢中岵冢觀高祖廟試劍石

手袖千將射斗牛當時天意在興劉不勞游刃烹秦鹿直以餘鋒剪楚猴將相豈煩加越砥寬仁自足淬吳鉤斷蛇斷石都休問遺恨平城雨雪羞

道間懷益昌總所海棠

點：紅粧綴綠枝睡猶未足已相宜欠呼杜老供吟

筆僅約楊妃到酒卮數日以來應爛熳一風之後想

離披憑誰警戒司花女密遣輕陰謹護持

重陽登益昌錦屏山

徙倚欄干目送間山容如我易蒼顏恍思戲馬登吳會擬逐飛鴻度漢關草木與俱嗟歲月古今無恙只江山天公幸自無風雨一笑黃花分也慳

和吳叔永見寄韻

眼空凡馬絕全牛肯念江萍萬里浮一倡朱絃補騷雅片言華衣續春秌禮羅自昔須溫造文館而今欠薛收要任丘墟百年責慎毋樽俎上南樓詩懷今古浩無垠誰寄梅花隴首人芻豢悅心文字

趣筌蹄忘象性情真相望夜月袁宏渚一洗西風度
亮塵我欲尊鱸便歸去鴈來應問五湖春

送糟蟹遺制幕

江鄉霜後飽珍肴萬里持來僅帶糟雖惜橫戈酣白
蟻尚知衷甲護紅膏開樽祇覺牽歸興作賦猶當繼
老饕油幕晚寒梅影靜亟持大白薦雙螯

和夔門開濟堂韻

世事紛更局面棊滔逝水只東之幾堆頑石鬼神
護一節高風今古竒司馬豈無能戰壘卧龍祇合在
籌帷將星一落空遺恨費盡詩人幾許詩

宿新政縣登鮮于氏離堆拜顏魯公遺像公

屹々金城唐砥柱如何流落向蓬州一時名節猶山
重千古忠魂與水流不待遺文垂紀錄自存生氣沮
姦謀當時誰挽涪溪水為洗離堆一段愁

曾赴蓬州作鮮于氏碑

我住華亭慣識伊九臯僊去逐雲飛北山久為悲空
帳赤壁還曾夢羽衣姑和黃樓崔顥賦為邀華表令
威歸腰纏却笑揚州客應對金泉媿子微

登江陵沙市楚樓

徙倚欄干日未斜四圍不着一山遮浪花袞々翻春
雪煙樹霏々夾暮霞壯麗中居荆楚會風流元向蜀

吳誇樓頭恰稱元龍卧切勿輕嗤作酒家

簡項仲宗遊亭臯

試從沙渚入荆城十里金堤掌樣平曉露香留紅芰
濕午風清逐白蘋生柳邊繫馬頻酌酒沙際呼魚旋
作羹所欠直惟佳客耳明朝能輟暇偕行

宜城道間

蕭蕭風雨問南關客裏單衣八月寒燈火數家樓逆
旅江山千里走卑官飄零岐路憑詩紀寂寞襟懷借
酒寬亟寫音書寄鄉國北山高卧儘平安

送清湘蔣尉

我學言詩、不竒蔣君言命却能詩歲寒如許松不

改春信未來梅已知丘壑何如歸去好江湖終匪老
東宜辰州極去湘南近辦取柴桑三徑資

昔挿金蓮醉五泉與君抵掌共談天蜀山歷遍數千
里荆渚重逢八九年子為丹砂行作吏我無金鼎可
求仙更憐不是春風手雪意垂、送去船

和闕幹雪中韻

夜來白鳳下天潢幻得人間玉樣光萬里園林變春
景幾家籬落失秋香黃紬歌枕水為骨紙帳吟梅鐵
作腸爭似城南老夫婦地爐相對擁蒲穰

再和

青女欺寒未肯霜先將銀鑠散祥光芙蓉繞院不禁

老蒼藟滿林惟欠香冷入寶環銷翠羽聲隨石鼎煖
羊腸兔園賦罷誰能繼留得詩人祝歲穰

題荆門蒙泉

向來亭上醉流盃千朵蓮花一樹梅金炬依然霜不
管瓊裾猶待雪相催凌波仙子欣無恙始射真人喚
不來風景則同懷抱異倚欄欲去更徘徊

偕張總幹章帥機同游檀溪登極目和韻

底須風景嘆新亭且聽樽前賤子陳拚却玉山顏綠
醕莫將銀海眩黃塵山容似畫屏環立世事如碁局
幾新惟有東風不今古露花烟柳一般春
美哉輪奐若天成一笑凭欄趁喜晴彈壓江山詩句

老破除曾臆酒樽盈溪頭圍觀魚躍柳外蕭蕭憶
馬鳴明日無妨再聯轡海棠猶未醉春醒

從制坦觀閱和韻

春風小試被廬蒐抵掌功名一戰收萬里關河走狐
兔五更笳鼓肅貔貅星馳列騎看騰躍雲合嘉賓樂
獻酬機會不來人易老故都惆悵麥油油

同羅季能章成父張子直登樊城制勝樓

避愁聊復上層樓上到層樓轉更愁杳杳青煙榆夾
塞麟、翠浪麥平疇山連楚甸三千里地隔中原四
百州立盡欄干誰領會滄波渺處起沙鷗

送羅季能赴江陵幕三首

淳熙公論盛槐門文獻依然故笏存晉世昔聞期畢
萬魯人今喜見臧孫交遊半是清流望趨向難為俗
子論以客諸侯寧鬱：公卿元自出藩垣
留臺雄峙渚宮邊江漢中間別一天號令半皆歸後
務規模幾不減中權况從席上分鄒湛細向樓頭訪
仲宣為報荆人好相慶幙中無事帥垣賢
幕底從游數月間孤燈凍酒飽相懽平生得此於人
寡舉世如斯知己難舍我遽輕千里別祝君惟有一
分寬揚花正怯春歸去忍向南關送客看

以勸分出伏龍因謁武侯廟

廬存龍去運成非草木空山聖得知成敗論人陳壽

史功名餘恨少陵詩初心何止三分漢偉略徒誇十
倍丕半夜松聲捲風雨猶如抱膝嘯吟時

和劉清叔檀溪韻

一溪清入漢江東千載興亡指顧中自昔霸圖成匹
馬至今生氣貫長虹當時枉駕先諸葛底事浮江後
阿童解肉已生駢逝矣空餘款段踏塵紅

壬辰過鄂渚簡張子直總幹二首

一自檀溪把酒餘年來夷路浸崎嶇樓頭落日人空
老局面西風事頓殊故國山容增黯淡舊時柳色半
荒蕪草堂想見憂時切曾賦官軍近捷無
三載三來漢水湄做成底事又空歸塵埃暫解微官

縛雨雪猶存戰士衣黃鶴喜尋詩侶約白鷗還悟海
翁機掀髯一接春風笑便覓漁叢老釣磯

甲午淮幕和蕭應父贈鄭允蹈韻

休從太卜問靈均華髮駸及此長萬里斗槎難遠
問一時星弁玷同寅縱逢禪竈言何益自斷虞翻相
已屯且喜歲星臨宋分今年頡利定稱臣
客來遠自洞庭濱一笑相逢耳競傾把酒未須論後
約讀書已恨欠前生疇堪太乙青藜照亦有豐城寶
劍精近在眼前休嗟却君如未識問君平

和蕭應父贈黃子芸韻

久負詩壇第一評肯教棲鳳久榛荆西堂有夢堪追

謝北海何書可薦衡匹馬歸來嗟我俗孤鴻吟對羨
君清霜前蟹嫩新笏美為問江頭潮已生

和蔣志父春風亭韻

漕幕將志父登春風亭有春風亭上問秋風之
句一聯云每恨從來欠機會却於今代少英雄
因和韻以廣之

不須舉扇障西風且付黃花一笑中漸喜盧鏡成兩
斃仍愁蜂蟻起羣雄未能長策轅從北果有真儒轍
豈東光我數奇何所用快教兒輩學從戎

再和

誰能草檄愈頭風有酒時、共一中莫把丹青羨蘇

武且將玄白玩揚雄將軍事在龍荒北客子心馳馬
首東休笑晉朝人物少猶知口不道和戎

次蔣志父韻

漕幕蔣志父以予頴上之行有贈云能張吾軍
從古少差強人意似君無不足以當此然不可
不和

中原百戰後來蘇浸喜衣冠復舊區要得一行頴老
將曾向千慮付狂夫山川感慨詩難盡烟火蕭條酒
尚無若問西湖已蕪沒望窮惟有幾浮園

甲午七夕在京和朱子木韻

巫雲一去付悠悠堪笑星河老不休天上淒涼兩兔

夢人間閱歷幾春秋銷磨長恨詩難盡領略良宵酒
莫留借我天槎試相問拙人還與巧同不

甲午中秋在魏塘值風雨

向來翫事每欣逢老去相忘更客中天下山河清影
在人間風雨此宵同孤鷺夜泣菱花暗老兔秋悲桂
子空料得嫦娥念搖落不教無酒對征篷

乙未渡淮點軍登壽春南樓

曾向春秣識此州西風吹袂過淮頭人還故老衣冠
喜我為中原草木愁屹若長城今重鎮棄如弊屣昔
輕謀功名不是吾曹事且對空山徙倚樓

己亥題茅山玉晨觀

煙雲作嶂松作闕夜深迫人星斗寒分明已在天上
坐不可更作人間看須臾睡去復睡覺髻髻前身在
巖壑洞門鎖鑰呼未磨時有天香暗飄落

庚子祈雨蔣山贈月光

蔣山月光嘗謂予言寺贍衲子數百關半歲糧
子曰何所辦之曰賴寶公打供耳予曰爾之住
蔣山我之總西餉也道不同而理同恃此心而
已矣宿因禱雨醒出舊話綴作一詩以寄庚子
秋晚

欲知計寺金穀吏便是鍾山粥飯頭爾欲朝、動魚
鼓我期日、飽饒糝幾為晚竈炊烟喜又作秋田渴

雨憂自有寶公能辦供元憑心上細推求

送趙鼎臣赴召

二首

幾載江湖負雋聲秋風千里赴弓旌石渠喜得今劉
向宣室應知舊賈生臺閣致身將貴顯朝廷論事且
和平更須記取申公語不在多言在力行
師旅之餘早繼之可為太息此何時江頭人類魚鱗
集局面憂除虎口危國事不應分爾汝邊防豈特慮
戎夷茂弘若問金陵事說與江東米價知

和別制垣金陵勸駕韻

殷勤儒帥餞圖南文物彬、歲比三遠業相期唐進
士流風一洗晉清談歌陳啣鹿筵初宴分揣庸駕乘

莫駭好向瓊林待公衮杏園春色正紅酣

贈聞人松庵

宦術猶能手不龜子之為術亦如之價增三倍玉麟
顧言訂千金木石詩鷗鷺尋盟吾自計鸚鵡付分爾
何為異時蓬華來相驗且說太平鄉相誰

嗣男杓 編次

可齋雜藁卷之二十八

可齋雜藁卷之二十九

律詩

辛丑都司公解與陳景清諸友小集作

幾年漫浪尚萍流汨沒京塵雪滿頭得意正濃須却
顧奉身而退是良謀未忘雅志懷安石長憶平生愧
少游歸去何求閑足矣數椽村屋一虛舟

再和

當才誰可柱中流我輩何如避一頭舊隱要尋鷗作
伴薄田足與鶴為謀蒹葭白露嗟今老榆柳西風感
昔游新秫已登鱸蟹賤溪頭何日艤歸舟

送郭靖父還金陵二首

二七

慈恩得雋綠衣歸北客南來罕似之名氏已標希呂
第文華要繼幼安詩行登衮衮諸公上母鄙區區一
尉卑踏雪同來子先去夢隨鞭影過江湄
憶昨相從戎馬間屢披錦誥慰蒼顏煙塵歷徧疆陲
役風雪同諳道路艱子負此名心已白我成何事鬢
徒斑一杯握手無它祝歸為移文問北山

贈林相士亦能談命

賣卜長安作漫游裹糧千里為親謀時危貴得班超
相命薄那能李廣侯術挾瑟琴雖易售話逢枘鑿亦
難投江頭雨滑東風急挑却行包歸去休

惟揚再贈林相士用前韻

林相士三年前金陵相訪嘗以挑却行包之句
送之重來惟揚要亦無可言者聊為拈出舊公
案以遺之

三數年來已倦遊祗緣心迹不相謀深知我類虞翻
相莫恠人驚雍齒侯江國舊懷詩一解吳鄉新思酒
雙役一番公案重拈出挑却行包歸去休

癸卯制參黎用之為八仙領客和韻

撲面驚埃掃不開都忘柳色暗章臺偏饒玳席嘉賓
樂特遣瑤池仙子來自分鐵心徒自苦相逢玉兔莫
相陪樽前休訝清香少待約瓊花共一杯

夜分和鄭小山韻二首

弓劍相隨幾歷年鬢毛斑剝飽風烟可憐蘆葉胡笳
地又過菊花新酒天耳聽驂騑還紫邏夢隨白鷺過
青田家僮久問謀歸未想笑吾頑不可鑄
塞上蕭蕭雨更風秋來興味與誰同短檠聊和燈前
句長檠休誇馬上功挽二石弓陪一校操方寸管較
諸公到頭等是為形役盡付掀髯一笑中

贈相士陳林過金陵

疲於吏事老于兵不特頭方命亦屯成敗固非予逆
睹窮通何用子前陳登朝不是鳶肩相守塞尤慙燕
領人見說江東多福德亟須洗眼望堂麟

甲辰送淮東黎漕趨朝 二首

簾捲紅樓拍手看星軺迅步上鵷鴛皇華節下留佳
政玉筍班中作好官鄉相致身時則易忠賢得路古
來難端門待漏東風峭尚憶屯邊鐵甲寒
始焉來此學分弓定計初筵畫諾中擊楫少能思祖
逖同舟多賴有婁公老懷不奈周南帶佳客今成莫
北空天上故人如見問為言憔悴已成翁

送胡季轍制參赴堂召 三首

恠得蒼頭鵲語頻好音催召幕中賓喚回雞塞三更
夢趁取鶯花二月春車法陣圖留後效囊封諫草看
前陳退朝若訪孤山去尚有疎梅可寄人
君見淮頭尚可為勿言蚌鷓正相持再三國計當加

備第一人材最切時面目山林還爾我精神帷幄舍
渠誰登樓若也披輿地為借前籌試及之

傳山父携示曾玉堂和余韻答之

誰傳新語到邊州來自壘坡最緊頭句法自成臺閣
樣交盟猶為交朋謀憶征西府勞清夢望上東門想
貴游何似天風輕借助放教歸老釣魚舟

右司周昞仲亦用韻併和以謝之

誰將拙句徹名流勾引春風入筆頭廊廟喜登端士
用田園盍為故人謀曾芳草外思淮事應海棠邊念
蜀游細雨挑燈成朗誦劇談如共峽江舟

送制機豐德馨赴臺召

二首

元祐豐家幾世孫依然風槩至今存着鞭自許河南
遊舉酒相期洛北溫聯句有詩留月觀禦戎何策告
天閭切毋飲却西湖水齒頰冰霜置勿論

竒章昔送牧之行舊事今親見廣陵一叟栖嗟子
立諸賢袞、慶偕升事來誰與參前箸公去吾其失
右肱我俟兵休歸決矣斷無清夢到觚稜

壽城圍解制參向君玉旣以凱歌和韻

二首

誰知匕筋落轟雷三月新城兩月圍吉語雖傳淮鶴
捷驚心幾動海鷗機公毋誇伐稱全璧我為憂疑已
佩韋何處無魚堪薦飯不須點點看鸞飛
中流岌、此舟同對越皇天只寸衷今夜千艘趁險

進明朝萬馬舉羣空將軍爭上平戎捷老子慙無守
塞功局面莫貪邊用利共思穩着待西風

以雨之餘隔窻聞雪簡書院諸丈二首

雨覆雲翻越月餘苦疑滕六欠工夫倏敲窻竹清成
玉細剪簷花碎作珠已喜新冬三白有不愁嗣歲二
紅無地爐紙帳盃行了呼起詩翁為撚鬚

玉龍飛下太清境粉雉凝成不夜城眩得窮兒猶暴
富照教暗室亦強明來朝細挹千林色竟夕都忘萬
籟聲不願銜枚蔡州去鐵衣早撤戍邊兵

乙巳題制參蕭應父襲芳亭

細攬羣英入此亭重開八葉付公門無窮真意侵書

架不斷清香對酒樽由實又花々又實看孫生子々
生孫主人不用平泉誓自有根源六藝存

送程簡卿制參赴南安二首

渡江華閬尚羶青人物林中蚤有聲官轍久更諳世
路邊籌熟試洞我情整鑣向關人多羨出幕持麾古
所榮盍為王言留禁闥羨才向止僅專城
自屈星屏佐碧油艱危同濟此風舟平山楊柳留佳
話庾嶺梅花想勝遊公到玉堦宜抗論我尋畫舸便
歸休他時若訪元真里野水中間一白鷗

送周昞仲大卿歸江西

中外周旋閱幾年清忠一節可箋天歷階而上公鄉

易拂袖以歸韋布然雲上人稠難買屋江頭路穩好
行船夢回落月應相憶猶有征人在漢邊

和傅山父喜雨韻 二首

驕陽赫々正當空化作甘霖覆手中洗滌四郊無點
翳作興羣槁有新功惟方寸地能精恪信只尺天隨
感通母以喜書安僅足更行好事答高穹
柔金老火苦相鑿千里駸々地不毛忽遂所祈欣欲
舞舉蒙其利潤於膏昭蘇田畷禾千頃飽滿舟人水
一篙我老發揮無好句須拈健筆付詩豪

和幕府稅巽父平陳任二諫議韻

出門三十里平原仰止高山禮甚專烈日秋霜千祀

後寒煙荒草兩瑩前一瞻文獻生何晚三歎姦邪死
不先臣也不忠宜共戒丞嘗何惜更加籩

東西正陽獻捷和傅山父凱歌韻

一從授鉞俾來旬却敵無謀効不神士用命焉何有
力臣今老矣不如人誰能河北平三晉猶慮關中啓
一秦留取功名待來者歸欵抗疏告嚴宸

食河豚鱸魚席間口占

午食河豚晚食鱸兩魚風味絕懸殊懷歸未必因茲
品適口何能計此軀春岸荻芽常喜有秋風萸菜不
愁無笑他俗子甘鯁鱠為此杯羹戒不虞

丙午九日將過陽羨偶成

年々秋晚對風沙今近重陽喜在家自斷此生甘皓
首能消幾度看黃花閉身頗覺便筇竹醉態都忘脫
帽紗且問小舟溪上去飛鷗數點夕陽斜

遊張公祠二首

未

坤靈闡迹漢何時木石深山聖得知大塊鑿開真境
祕太虛蘊出衆峰竒攀蘿攬秀俯可即秉燭窮幽遠
莫窺盍遣神龍謹封護勿容俗子亦游嬉
十年重過石橋行松下清流載濯纓洞隔烟霞知地
遠壇連仙佛信天成人如雲意俱閑適山帶霜容似
瘦生步出亭臯又歸去它時林壑未寒盟

山中即事

手按巖菊嗅寒香陟覺輕飈透薄裳自是蒼官添老
色不因青女眩寒粧新菊未熟啜茶去晚稻才收種
麥忙願學老農惟苦懶荷鋤歸去卧斜陽

送八憲叔歸

歸來百事付休々又向空山斷送秋整疊衣篝篋赤
脚携持拄杖一蒼頭儒書梵語相參看酒社詩盟自
獻酬客有可人留不住夜長誰與話清愁

丙午冬徐衍道見訪於可齋

甫能鋤月種梅歸竹外欣聞客扣扉天近城南寧去
緩人閑水北肯來稀風雲迅步新班筍雨雪休思舊
戎徽別後母廬問名氏杜門終老但知非

尤木石薦術士松庵求書以詩送之

衝寒得得過吾門切莫談天不願聞種木十年甘自
許寄梅千里欲何云人誰相記憶明月我已無心等
片雲若向霸陵逢醉尉不須與說故將軍

丁未效八憲叔賦黃郎

夙悟金僊空色教化生千百對青春強顏翁媪扼為
貌取悅兒童絲繫身立仗無言開口甚當筵何事掉
頭頻笑他鮑郭經年舞我過鶯花即問津

因賦風箏與黃郎偶

竹君為骨楮君身學得飛鳶羽樣輕出手能施千丈
縷舉頭可問九霄程高窮寥曠寧無力少假扶搖即

有聲所惜崢嶸能幾日兒曹倭指已清明

送焦吏部造朝二首

向來借箸在籌帷今趣魁躔入太微漢郡奚勞汲生
守洛人喜見范公歸要持真是明公論莫急同心濟
事機見說九重勤側席細陳長策慰宵衣
火雲赫々汗衣流人望公來望有秋契托棣華承繼
纒辭陳桑土願綢繆行為霖雨千疇足生解西風一
段憂從此江頭波浪息柳邊贏得伴沙鷗

偶得希真巖壑舊隱正在小圃因賦

數峯佳致藹前脩心匠玲瓏小更幽公去我來幾傳
舍人非物是一虛舟轟天柳色新條改函地藤陰舊

迹留坐對黃花誰領會猶疑蝴蝶是莊周

又賦

高人已逐煙霞去此地猶餘巖壑存十數小峯纏古
蔓兩三老木長盤根月沉翠柳空梁影雨洗蒼苔帶
殺痕留得清風師後進絕勝金谷憶王孫

八牕叔用前韻相寄時留村舍和以謝之

從渠舊隱擅清修我愛吾廬溪上出一幅霜林長短
樹幾灣烟葦去來舟買魚釀秫作新節招鶴訪梅遲
小留却憶故山懷故老寧忘髮緯念宗周

洛川已矣不復見斯地瘳然猶獨存九仞成功忍虧
篲百年種德在浮根依稀舊燕空梁語俯仰飛鴻踏

雪痕多少名園富花石爭如書圃遺兒孫

又和八憲叔見寄

寂寞寒枝問故棲柳疎梧老影熹微炊煙冷落犁荒
壠蓬雨廉纖纜斷磯擬閱舊書成懶癖旋寫新酒解
愁圍家人不慣田家趣剛道天寒盍早歸

戊申春偶成

半世崎嶇鬢已凋元知官職忌之招幾番惡夢覺已
晚一片好心磨不消枕上豈堪思往日樽前更莫計
明朝此身若也填溝壑猶有未生答聖朝

賦家山夕秀

本因累土作層臺巧匠俄為小阜堆碧落界邊將塔

對蒼蕪斷處送山來，狀成一段林密勝。欠得幾株松，
桂栽夕照未沉明。月上倚闌三爾可徘徊。

又和

小亭八尺石為臺，占綠圍中作翠堆。一片閑雲難盡
去，四時野色入詩來。氣凌月觀身曾到，夢托雲根手
自栽。更出城樓一頭地，夕陰含雨肯低徊。

和褚縣丞韻二首

世味寧如道味濃，誰令小屋卧元龍。何當談笑與雙
壁，乃假吟哦對二松。傾蓋正欣留馮李，歸檣底事取
潘葑。先生且辨弦歌計，莫慮瓶無斗粟舂。
拍、新詩一紙春相逢。牢落易相親，霸陵李廣方嗟

老闕里原思乃嘆貧，願我棲遲廿一壑。感君慰藉重
千鈞，燈前欲和梅花引。病髮颯、滿面塵。

已酉慶周子將壽八十

華齡八袞慶朋簪，貴老崇師喜見今。絳帳先生從白
髮，金閨諸彥盡青衿。冰寒水見源流盛，玉在山知潤
澤深。厚德作人宜壽艾，永傳文獻紀粉陰。

和褚縣丞韻

哦松之去爭能誦，載月而歸取甚廉。誨掖尚無忘後
進，典刑真不愧前瞻。新詩慰藉知三復，雅意勤渠示
一謙。願問閑中讀書味，魚熊何以得而兼。

已酉赴桂過撫州樟原得雨

夜來一雨洗驕陽，
輦蓋與趁曉涼。
過眼幾多山應接，
轉頭二十里相將。
煙橫夾道松交翠，
水拍連疇稻半黃。
轍蹟平生今始到，
元知樂土是江鄉。

憶幼子

膝下相隨五閱秋，
意其可以付箕裘。
祇緣老子身無福，
致使佳兒命不脩。
宿業結來知有自，
暑行壞會復奚尤。
靈臺一點知何處，
痛入肝腸死則休。

題衡山縣驛

平生足始涉南方，
邸舍稀疎驛路長。
尚隔三州繞嶺嶠，
更行幾日是瀟湘。
家人轉苦禁秋熱，
輿從常催趁曉涼。
識破浮生等羈旅，
強加餐飯莫悲傷。

和鄧巽坡韻

身雖湖海常懷主，
忠在朝廷肯具臣。
為國未嘗知有已，
此心可以質諸神。
綢繆舊話芳樽酒，
拂滌征塗滿袂塵。
雍齒且封君，
豈慮三須珍重保千鈞。

題衡陽臨湘驛

暑塗挈、問行裝，
過眼蘋風倏轉商。
豈為南魚來丙穴，
且先北鴈過衡陽。
童烏已矣腸空斷，
老馬疲哉汗欲僵。
身大塊中猶大瘡，
鐵心禁得幾炎涼。

過愚溪

為底先生此水居，
正緣不解學顏愚。
身雖樂彼溪山似，
名不期而天壤俱。
往事幼言今已矣，
當時豈意在

茲乎擬招故老窮佳勝烟草蕭々宅一區

過清湘洮陽驛和方字若韻

問驛尋梅路漸深壁間誰帖邁來禽因詩感嘆人才
舊投筆慙書歲月今訪古暫陪湘水滸憂時遠到雪
山陰牧羝持節疇能似空倩賓鴻為寄音

禮湘山佛和別駕叔韻

自得湘南一派奇禪春元熟不須師幾千億化如來
相五百年將再出時翠壁雲連秋樹老寶坊香靜午
齋遲我來欲扣因緣事衆袖叢中有解知

嗣男杓

編次

可齋雜藁卷之二十九

可齋雜藁卷之三十一

律詩

送交代董矩堂赴召 三首

淵源正學富經綸炳炳如丹一片心中外久期還荷
橐江湖所至是棠陰威聲足使戎心懾邊腹何虞客
氣侵指日玉階清問及益思長策濟當今

渡瀘已定葛巾北分陝既成周袞東二者於斯皆上
意羣然以此望明公香名千載梅邊雪歸路三秋桂
子風百萬民夷休慙慙公方柄用福無窮

朔風繡節洞庭濱作噩重逢未識真不謂顏齡來嶺
海乃承華武接星辰公捐纍印輕於葉我愧滿襟皆

是塵從此廟堂醫國去好留耐後遺陳人

和鄧巽坡詠菊併見寄韻二首

天涯秋晚見孤芳華髮蕭騷易感傷對酒未嘗忘北海因詩惟恐瘦東陽古心翻得風霜白冷艷寧隨草木黃惟屈可餐陶可採蝶蜂爭得識寒香

轉蓬又是幾三秋客裏常宜視鼎羞嶺首舍梅無所有衡陽斷鴈寄何由淒涼陳迹幾年事繼繼高情一夕留聖代斷無車蓋禁詩筒毋惜到南州

登道遙樓和方字若韻

堯山舉目見於墻羣玉森拱巨梁一幅畫屏羅偉觀兩詩銀筆冠當場沙平鷺立秋無盡月冷烏啼夜

未央有客凭闌共清話道遙何異白雲鄉

登湘南樓和方字若韻

天教管領衆山來筍立平郊翠作堆上馬休憐翁矍鑠酌壘聊賦彼崔嵬樓高蒼桂竒觀列人對黃花逸興催公退呼兒同徙倚卷舒風月等浮埃

登西樓題柱

分弓來戍嶺南州勳鏡塵生雪滿頭願進愚言宜簡易頗衰老子得遨遊青山落處鍾聞寺白鷺明邊人倚樓衙散吏歸冰樣靜一庭榕葉和晴鳩

已酉八桂勸駕

快束行裝穩着鞭梅邊已報小春天程開鵬翼三千

里名繼龍頭二百年花插一枝趁燕喜雲占五色對
臚傳丈夫自許當如此舉酒相期共勉旃

庚戌題雪觀用方字若韻

纔見春從沙際歸堂背我迅於飛病餘窺圃心成
怯老去登樓力苦微岸柳含烟猶綠瘦海棠裏雨正
紅肥山川信美非吾土強作清吟祇遂非

和鄧巽坡見寄元夕韻

一笑芳宵萬慮平詩翁猶自假詩鳴名邦想見燈成
市病骨相忘月暗城人事誰能記令昨天公都莫管
陰晴窻前細讀梅花句但覺身輕眼倍明

又和梅韻

千里詩來字字香品題著意到孤芳以千林表丈人
行洗萬古凡兒女粧自是精神凌雪月不妨風骨飽
冰霜推髡聊以酬清思病筆歌斜媿小王

寧壽寺劬農登慈氏閣和李誠之柱間韻

持酒殷勤問爾農憂時同此願年豐倉箱欲致崇墉
積耒耜宜加曠土功水北有田均夜雨嶺南無地不
春風吾皇德化形扶杖親見兒嬉七十翁

瓊筦頌守示和愚溪詩用韻餞之

鯨浪中間一島居往時千慮笑狂愚伏波方略今堪
擬渤海聲名漸與俱小醜當從而靡矣吾民其庶有
廖乎隻旌整頓隻泉了歸佐清朝澤廣區

題越觀和方字若韻

簷陰寂々轉西遲
檢點春工倍費詩
烟樹鬱蒼何處
洞雨苔斑駁
舊人碑清泉白石
仙遊地芳草綠陰晴
晝時目送水雲誰
領會沙鷗點々柳絲々

禁煙日登嵯峨閣和方字若韻

漠々風烟着野棠
一春多恨雨浪々
古榕陰裏作去
寒食芳草城頭過
艷陽不斷山光通
百粵無邊春思
渺三湘伊初不放
花飛盡露濕薔薇
幾陣香

庚戌赴荆閩舟過湘江

湘流得雨掌東平
艇子乘風羽樣輕
過眼千山繞嶺
粵轉頭一水又衝
荆大江東下懷鄉
國落日西邊是

戍城鳴鳩數聲青
嶂晚客心如鐵也
関情

和總幕劉景文題杜立齋遺翰詩韻

一老風流兩社間
至今膏馥尚留殘
典刑已矣墨猶
潤生死以之盟未
寒淮海屬心知士
苦山林投分只
儒酸燈前掩袂空
三嘆盍與傳諸琬
琰看

辛亥元夕坐間和劉景文韻

客星似向漢槎來
便盍觀光近斗台
王儉池邊新節
物劉郎觀裏舊根
栽饒人老月添春
好特地癡雲際
晚開明歲傳柑天
上宴馬頭猶記渚
宮回

又和

多謝孀娥得得來
肯陪綠鬢映黃台
剪成絳蠟燈間

艷移向青油幕底裁萬目競拚通夕看兩眉贏得片
時開祇憐人亦牽絲戲任向當場弄幾回

書院諸客登仲宣樓以詩寄之

指點層雲氣可干官身浩嘆不如閑幾回落日詩懷
古一半春風酒破慳許我婆婆從白髮於人媠媚有
青山前身王粲重拈筆惜欠胡床著席間

送書記雷直叔造朝

五色雲邊昔稚圭軍戎萬里已周知趨朝豈止重憑
廣出幕聊為送適詩行理羽輕春漲穩交情珍重歲
寒期君玉若問荊州事白玉階前細數之

曾總幹以乃尊侍郎二詩見示和韻

別公知閱幾桑陰玉笥山中舊隱尋
鄧幕聯鑣來自舊涇舟共楫繼由今
一門翁季芝蘭味四海弟兄金石心
塞上西風漸蕭瑟書來毋惜寄規箴

疇昔風雲共壯游笑吳夏口蜀江油
我猶乘險凜孤注君早得閑先幾籌
目底阿蒙元齷齪膝間文度儘風流
箇中妙理誰能會且向平原喚督郵

陳次賈歸以二詩言別和韻送之

百尺樓前艤去桅元龍豪氣肯低徊
昔從桂嶺訪梅去今自荆江載月回
敢擬王劉曾主客應嗤瑜遜等輿臺
轉頭落日陽關外三嘆可人呼不來
手袖朱絃綠綺琴身離湖海調山林
家園千里歸心

切朋友中年別恨深國事艱難彈我力世情巧令聽
渠壬海門鴈過應相憶塞上征人正苦心

壽利州趙漕

天稟銀河一派清藹然中外播休聲金城方略今充
國斜谷規模舊孔明久屈轡絲勤使指再須班筍着
宗英九重側席親賢切有詔西南起老成
幾載星軺惠漢闕埴培壽脉一分寬數絲鶴鬢因民
白一片鷗心為國丹綠野高風雜獨慕黃花晚節正
爭看勳名麟閣清芬在且伴松椿傲歲寒

壽遂寧李漕

今世儒宗一泰山暫乘紫氣下函關主盟道學周程

上伯仲詩名李杜間少府暫分膺使節甘泉合在侍
臣班春江一碧平於掌好趣牙樞待賜環

自從岳牧著民庸十載岷峨帝眷隆草帶雨鋤周園
綠粟和煙輓漢闕紅活人陰德深無盡壽國良方用
不窮一轉鈞間黃閣去天涯歲々困東風
自是清都紫府仙德星躔次劔東川香浮世界鶯花
地人樂春風燕麥天元祐賢材名閣近紹興相業度
基綿一年一佛為公壽五百尊成五百年

壽蜀帥

天遣長庚衍硤瓜幾年清廟著聲華九重璿派周麟
趾千里金城漢犬牙未駕說舟儀列駕已麾段笏擊

長蛇堂、一節昂鎬耳豈借西山太史家
霄漢當年把繡衣載持齋鉞建侯珪春城月淡銅梁
北夜拆星沉玉壘西外閫規模蕭萳上中朝勳望范
韓齊楓宸側席親賢久早晚鳴珂步相堤
不用江山當壽卮年、一佛住峨眉崧高復見歌申
伯垌野寧無頌魯僖歲比絳人逾甲子日逢皇覽揆
庚寅書生愧乏梅花賦引領東風上北枝

壽應茶馬

自聯班序簡宸聰廊廟江湖一節同百世幾人今蜀
日千年一到昔虞風得莘渭上康時策有伊洛間傳
道功早晚為霖洗炎熱蒼生俱出炭爐中

太微一宿燭魚鳧已奏平反課轉輸綠碾兩前舒鳳
爪青鎌雪外長龍顧班崇東壁圖書府惠暢西夷道
德塗佇佐修攘歌六月載銘石鼓會東都
漢昴殷箕謾擬倫天將平治啓儒真鍾英寶婺金華
地歛福銅梁玉壘民冰壑雪山無點暑桃溪棠蔭有
餘春綿、壽脉無窮處一派根源在至仁

壽陳制垣

十載青油駐漢關勳名高壓峴南山雨滋萬頃春犁
樂月淡三邊夜拆開為小朝廷留宿望升真學士重
崇班九重銀信知非遠白玉階前一武間
向來荆楚說澧州人士今誇樂國遊千里潢池自文

擾一江漢水獨安流兵無敢情身為率民有猶飢惠
亟調陰德活人無量大不須香火祝王侯
東皇粧就牡丹天來獻蓬萊不老僊耆舊喜增羊祜
傳蠻夷欣問晉公年休懷茗水清風適且醉檀溪綠
草邊願向衣冠圖上看銀屏千歲映貂蟬

代為某親壽

十載青油駐峴山屹如一柱倚人寰秧疇雨足春犁
樂榆塞風清夜柝閑威望龍堆氈帳外勳名麟閣鼎
彝間命圭指日催裴度樂府無煩唱玉闌
兩星相比映文昌戲綵踰躐戟衛香鬢底公因民事
白眉邊人卜詔書黃五千文字為家計百萬陰功即

壽鄉要學元和同九老未誇耆舊傳襄陽

壽岳漕

渡江人物照乾坤盟府勳庸奕葉存崧岳千年申伯
雅漢臺幾世仲華孫自將翠節臨南紀更佐金城護
北門禁柳官梅正春色好看鳴玉上天閤
檀溪翠霧曉輪囷共慶皇華誕玉辰倭指明宵三五
夜從頭新歲八千春且煩皎月清邊徼行逐東風造
禁宸留取棠陰蔽南峴為陪羊杜壽蒼珉

江陵和費察推九藥瑞蓮韻

喜對荆人一笑媽吾邦今見此嘉蓮脂容嫵媚目疑
幻玉貌參差骨是仙試把萬葩千卉較曾無一帶九

芳連分明河洛中興象要竭精忠答上天

壬子夏偶成

心已灰如鬢已皤迫人桑蔭疾於梭更嘗萬事不為
少恍悟一身猶是多田里乞身斯可矣功名到手竟
如何公餘幸喜邊烽靜且對樽前浩浩歌

壬子江陵寄聞人松庵

不見松庵又幾年書來云欲卜新椽我方北塞愁供
戎君盍西湖喜結緣多謝烹魚勤客遺薄言騎鶴寓
腰纏惜無廣廈歡顏力姑用長安作酒錢

秋霖喜霽適覩 廂堂耐唱相去數千里而
陰晴同之因用韻

明良相正體坤乾感格時賜本致虔坐使羣方皆見
日誰言千里不同天只將精白承休德豈在緇黃結
善緣更得北風無羽檄不妨舉酒樂康年

可齋雜藁卷之三十一

可齋雜藁卷之三十一

詞

水龍吟 甲申潼川翫月

西風吹上牛頭天涯慰此人情耳斜陽任晚青山全
似故人知己迤邐歸來須臾懶去桂華猶未待水輪
推上梧桐樹了更見是點兒幾

滿眼碧天如洗便分明水晶宮裏區區翫事一觴一
詠一燈而已欲待無眠爭如且恁有無窮意怕嫦娥
隔窗偷看須下却帳兒睡

又 甲午壽九制使

幾年野渡孤舟蕭然袖此經綸手歸來廊廟從容進

退祖風猶有小隊環花輕艘清玉暫臨金斗把詩書
帷幄暮年坐嘯塵不動依々柳

好是公堂稱壽正元戎闡垣開後旌旗終舉胡離馬
上聞風西走一點陽春無邊德澤淮山長久待官軍
定了長安貂蟬侍未央酒

又巳亥壽史督相

明堂一柱擎天眼看黃閣空諸老平生方寸班々四
字誠心公道玉帳雲旗金城露布尚勤征討向淮頭
蜀口一時做就安石傳孔明表
談笑妖氛如掃看整齊乾坤都了衮衣赤舄歸來廊
廟雍容師保三相一門雙親千歲人間蓬島舉黃封

細唱調羹官梅上正春早

又庚子壽史丞相

東南一氣當春便從黃鉞登台斗紫皇舉此亨屯濟
泰屬之公手淮浦烽銷未央觴獻捷傳清晝慶太平
朝野駸々重見昔淳化今嘉祐

史觀年編新就看勳庸光前垂後三槐鼎盛雙椿盤
固古今希有宴侍龍顏驩承鶴髮相期長久問前朝
相業誰同八九十邁文富駁略公九十一

又壽游參政

岷峨壽佛東來手移斗柄春寰宇經綸事業詩書沉
出時為膏雨載采三階炳丹一念雍容樞輔望巖廊

風範揚休山立真漢相殆天與

國步時當如許賴明堂倚空一柱蒼生引領整齊中
夏奠安西土多士相期直須無愧范韓文富且梅邊
一笑春風祝公壽介東魯

又丁未約諸叟父翫月期而不至時適臺論

舉杯長揖嫦娥高情恰我霜髯白婆娑樹底老蟾何
物千秋一色一鏡高懸肺肝洞燭了無塵隔任億千
萬里同然玉界都不管天南北

老子萍蓬蹤迹對西風幾番行役平生翫事從頭細
數山川歷歷明月明年知它何處能如今夕惜無人
共我登樓酌古一笑橫笛

又和韻

少年管領良宵直須醉待東方白而今老去何憂何
樂不空不色桐影橫斜桂香搖落僊凡奚隔帳銀橋
夢折玉簫聲杳人如在楚天北

冷眼乾坤陳迹笑英雄等為刑役庾樓袁舫浩歌長
嘯壯游曾歷萬里瑤臺乘風歸去不知何夕對水輪
孤負欠千鍾酒與三弄笛

又和韻

歸來袖手江湖不妨左右持螯白涼宵幸對一輪端
正娟娟秋色萬宇冰清千林霜縞更無雲隔對金莖
露冷銅壺漏靜梧陰轉畫橋北

堪嘆平生轍迹算分、為誰驅役免蟾應笑蠅蝸累
我中年虛歷抖擻吟情徘徊舞影可憐佳夕張力微
心在夢中一曲似黃樓笛

又戊申壽八德叔

歸來三見梅花年、借此花為壽八德軒檻月邊竹
畔數枝開又姑射肌膚廣平風度對人依舊把離騷
讀遍椒蘭荃蕙奚敢及眾芳首

幸與歲寒為友任天公雪儻霜憊香名一點西湖東
閣孫逋曾有金鼎家種玉堂椽筆僅來斯受且巡簷
管領先春林外事付卮酒

又己酉壽廣西豐憲

幾番南極星邊樽前常借南枝壽今年好處水清漢
節與梅為友老檜蒼榕婆娑環拱影橫香瘦把草庭
生意蠻烟盡洗都付與風霜手

嶺首小春時候看明宵桂輪圓又此人此地此花此
月宜詩宜酒把綉歸來調羹金鼎西湖春後願玉奴
歲與素娥不老共人長久

又和豐憲題林路鈴梅軸韻

小牕香霧籠葱硯寒金井頻呵凍老坡仙去新聲猶
寄綠毛么鳳瘦臉盈、不禁儂態雪濃霜重賴墨池
佳致草成立白聊以此當清供

長記月明曾共撚虬髯幾番孤筇春風一點着公翠

袖撩人清夢逋爾何如西湖慣見影斜蕪動要歲寒
得友豈容無竹倩誰添種

又辛亥和吳制參賦雪韻

元英燕罷瑤臺玉妃滿地花鈿委山川幻出剡溪梁
苑齋宮郢里半點瑕無一團和就珠圓瓊碎任謝家
兒女庭前爭詫監空撒絮風起

夜入蔡州城裏問官軍果誰堪比飲羔烹鳳衆賓一
笑直聊爾耳寒聳玉樓凍呵金井屬公詩史更須待
太白浩歌黃竹為豐年喜

又乘雪登仲宣樓和前韻

玉龍飛下殘鱗千巖萬壑皆填委乾坤一色不知身

隔蓬萊幾里疑是瑤英盛開元圃被風敲碎倚危樓
極目長江渺處渾錯認沙鷗起

依約青帘遙指記山家酒香無比訪梅江路何時歸
喚小蒼長耳孫案表門不妨高卧足娛書史且摩挲
霜鬢嘲吟冰筋共荆人喜

又席間諸公有賦再和

琅玕環佩三千一樓玉立中端委瑤瑤碾就襄王故
國屈平遺里多少鈿華飛瓊塗抹一時按碎記少年
馳逐銀盃縞帶幾番被雞呼起
冷入重貂如水鬢絲一嘆非前比羔兒滿泛獅兒低
唱飄風過耳冰釋邊憂春生民樂歡形佐史倩何人

蜚奏五雲天上助吾君喜

醉蓬萊

丁酉春題江州琵琶亭時自兵間還幙有焚舟之驚

倚欄干一笑舊日琵琶何處尋覓獨立東風吹未醒
狂客沙外青歸柳邊黃淺依舊自春色極目長淮晴
煙一抹不堪重憶

老子平生萍流蓬轉昔去今來鷗鷺都識拍、輕舟
烟浪暗天北自有乾坤江山如此多少等陳跡世事
從來付之杯酒青衫休濕

又戊子為親庭壽時方出蜀

是人生好處仕宦歸來享清閑福屈指吾翁恰八年
荆蜀星火叢中風濤局上轉青天芻粟輶傳欣還里

問相慶雙鬢猶綠

為報中朝如今老子肯把貂蟬換取松菊西舍東鄰
正新菊初熟屋僅一椽田姑二頃贖種花蒔竹緩引

金釵細斟瓊筍唱長生曲

又乙酉壽蜀帥

把東南温厚天遣西來試薰風手一佛人間與我眉
長久玉帳旌旗金城鼓吹笑烏奴歌酒狐兔煙清貌
貅月淡凱音新奏

元祐明時中朝司馬記得邊人歲問安否勲業如今

公袞沙堤歸來無恙有西湖花柳更借

當年一龜一鶴伴千秋壽

又丁亥壽蜀帥

有擎天一柱殿角西頭手扶宗祏萬里魚鳧倚金城
山立亭障驚沙氍裘卷地倏度黃龍磧玉帳從容招
搖纒指頓清邊色

見說中天翠華南渡一捷金平膽寒西賊帝錫公侯
更高踰前績箕尾輝騰昂街芒斂看清平天日周袞
歸來鳳池麟閣雙鬢猶黑

又代壽昌州守叔祖

記石湖佳句為海棠花合來西蜀不道東州更香霏
情淑漢竹先中召崇陰裏想清歡未足少駐旌麾姑
留樽俎待春風曲

見說吾家丹溪老子萬籍名堂孫枝猶馥南極星邊
正魁星明燭五馬歸來一龜無恙訪舊松新菊從今
長伴西山一佛鎮崑江綠

又壽別制垣

問江東父老十數年來誰為安石萬里鯨波一柱獨
山立漢橐班高郢斤名重喜動旌旗色虎踞龍盤有
人於此千載猶昔

好是元戎護寒舊手到處人傳爭道公別辦取風檣
指顧定南北只恐為霖玉麟堂小留不住台席一片
仁心壽身壽國與同箕翼

又丙午壽八旌叔

自隴頭垂譜調鼎傳家典刑猶有歲々芳期報小春
時候仙骨非凡生香不断標格蕙蘭右江路孤山水
邊雪際為渠詩瘦

白玉堂前青氍席上孰謂無人有如此酒得意東風
且占萬花首會看常娥移栽月殿肯向桂華後應笑
家林枯松厭蹇歲寒堪友

又庚戌壽章翁

正陽生一脉綉日添長臺雲書瑞勁節昂霄仁意雪
霜裏粟庾紅陳草靡綠茂襦袴藹千里馬熟車輕鈴
齋曾到從容游戲

好是邦人能言世美猶愛其棠而况其子洞裏桃花

歲月任渠記一點梅梢為傳消息有東皇知己倚看
明年相逢負鞢曳星履

六州歌頭和陳次賈韻戲其行

桂香深處傾蓋嶺之西雲南外曾指點是寧鞞酌玻
瓈琴帶江山裏揮銀筆搗綺句湖海氣羞蓬弱吐虹
蜺回首煙塵碌々公家事自笑癡兒盍田園歸去耕
釣侶黔黎月夕花時恣吟題
悵荊州路同北望剡谿興又東馳雄邊上誇前躅壯
新基燦宸奎客問西陸事公莫惜語教知秋城夢筇
却騎舞聞雞休作中年離恨聊拚取一醉如泥梅邊
佳致逸興與逋齋人在蘇堤

摸魚兒 和陳次賈仲宣樓韻

對樓頭欠招歡伯和風吹老芳訊凭闌面、蒲萄綠
依約碧岑纔寸無盡興縱燃竹烹泉亦自清腸吻憑
誰與問舊城郭何如英雄安在何說解孤憤

銅鞮路極目長安甚近當時賓主相信翻、公子登
高賦局面還思着緊乘暇整謾課柳評花援鏡搔蓬
鬢江平浪穩悵我有蘭舟何人共揖毋作孔明恨

八聲甘州 庚戌重九約諸友登龍山阻雨

擬龍山把酒酌西風西風苦無情似秋容不受騷人
登眺特地慳晴依稀兩三過鴈何處是方城目斷危
樓外山遠烟輕

且對黃花一笑嘆浮生易老樂事難并喚過雲低唱
簷溜任霖鈴問何如烏紗折角把芳名蓋取晉參軍
東籬下陰晴不管輸與淵明

又庚戌壽鄭丞相

有厖眉扶杖峴山來舉觴壽南山道天憐赤子相逢
鈞播久望旣還幸際君王神武上宰是甘盤少運風
霆手整頓何難

好箇霜天時候聽鴈門新鴈眺遠凭闌想經綸心上
一點炳如丹撫輿圖真儒事了把勳庸留在鼎彙看
八千歲四明洞府一佛人間

嗣男 杓 編次

可齋雜藁卷之三十一

可齋雜藁卷之三十二

詞

沁園春 丁酉春陪制垣齊安郡圃曲水之集

形勝風流樂事良辰一時四并正揄更新火觴浮曲
水那堪上巳又是清明赤壁功名東坡文字俯仰人
間無古今詩書帥對烽煙靜晝俎豆添春

水邊天氣催人便須認楊花雪樣生慨英風滿席思
旌綿上清談東閣肯記蘭亭安得長繩高懸碧落繫
住畫簷紅日陰柔柔外聽鳴鳩喚雨全勝流鶯
又庚寅為親庭壽

鴻禧主人一閑半年未嘗厭閑謂有溪可釣有田可

三
秣有蘭堪佩有菊堪餐羽檄秋風胡船夜月多少動
名留漢闕如今且傲搏壘北海歌舞東山

門前只尺長安但只恐綸音催禁班把鷺鬢數莖更
因民白鷗心一片猶為君丹藍後見瘡綠衣家慶倦
羽伶俜江漢還春光小看庭闈歲一一笑梅間

又代為親庭壽

軒冕僅來功名盈水行藏倚樓把方畧評梅二夫課
柳精神伴鶴談笑盟鷗草檄尋樵移文問釣任江上
東南風未休君知否問如今綠野勝似青油

從伊萬戶封留算得似團樂歌笑不怕魏闕興思高
車駟馬江湖難着緩帶輕裘雪意何如新醪熟未樂

事良辰聊獻酬從今去更八千椿筭總一春秋

又代壽直院陳文昌

今代清流北斗以南文昌一星對露門進讀壑坡演
翰瑣闥批勅瑤牒成文筆下權衡胷中律度禮樂人
才俱討論駕行裏羨才高片玉輝映條冰

幾年簡在吾君使須把詩書開太平笑諸公炙手昔
成何事一賢冷眼今獨脩名花底退朝槐邊聽制一
武高巖霖雨新金壘舉對春風九十歲二分

又乙未代壽尤制帥

天下中庸千載一燈傳之自公有涵洪雅量陂澄千
頃堅凝定力壁立孤峯佐鼎調梅參帷借箸略試斯

文經濟功聽淮鶴暫素絲攬轡玉帳分弓

朝來鼓角聲雄慶元帥新除初度逢任西風局面人
皆頌洞福星堂上我獨從容草檄傳燕開門釋蔡了
却中原公衮東歸廊廟把格天勛業與宗無窮

又壬寅餞余宣諭入蜀

畫舸呼風長劔倚天壯哉此行指洞庭彭蠡徧觀吳
楚瞿塘灑灑瀨直上峨岷帝語春溫軍聲秋肅手濟時
屯開泰平天應是念蠶叢父老公為更生
眼看四海無人今天下英雄惟使君想馳情忠武將
興王業撫膺司馬忍咎吾民淨洗甲兵歸來鼎輔定
使八荒同一雲經營事比京河形勢更近函秦

又庚子登鳳凰臺和壁間韻

漫浪江頭三聽秋砧一登故臺望烟蕪莽蒼令人目
斷風檣掀舞何日眉開把酒新亭圍碁別墅老氣當
時何壯哉江東事百年無恙全是時才
紛然競付輕埃還水遠賞心東向淮嘆阿奴儕輩因
人碌、迺翁材畧餘地恢、鳳闕天高鷺洲潮落約
取白鷗歸去來闌干外英雄陳迹一酌瓊盃

又再和

綺閣香銷玉砌夢殘淒涼舊臺對御溝紅葉一番木
落宮墻黃菊幾度花開水遡岷源山照吳會目送征
鴻安往哉都休問六朝人物誰拙誰才

平生哀、煙埃記足馬當年荆蜀淮嘆凋零殆盡詞
源已竭消磨未去酒量猶恢八跪蟹肥四腮鱸美客
有可人招不來油幢暇凭欄一笑相與傳盃

又和廣文叔有季秋既望之約不及赴

目斷長空手拍危欄高興酒濃擬招呼短艇追陪飛
蓋一餐湘菊共賦芙蓉鴈字沉秋鴉林噪晚幾陣蕭
蕭雨更風空凝佇不如一鶴隨意西東

堪嗟樂事難逢愧元伯巨卿千里從望文星聚彩交
輝吳分天飈吹翅獨隔崑蓬野墅荒煙敗荷衰草人
在可憐憔悴中還相念願持觥薄罰別許從容

又自和即事

雨抹晴粧脩眉鏡清寸碧翠濃對蒹葭盡處叢、煙
樹池塘側畔面、芙蓉千百棲鳥兩三過鴈時有婆
娑一笛風斜陽裏更青帘半捲在小橋東
佳人何日重逢問還肯扁舟載酒從笑平生勁槩寸
心如鐵中年老態兩鬢成蓬荷鋪我蔬腰鎌刈稻且
寄西郊圖畫中空回首望五湖鷗鷺心事容容

又再和

秋豈悲人、不悲秋比春更濃有蕙蘭半度尚存芳
菊牡丹文獻猶在芙蓉舉蟹持醪得鱸作鱸晉宋間
人有此風休輕笑彼柴桑傲吏齷齪籬東
携壺與客還逢願時許先生杖屨從嘆塵蹤如寄鷗

鳧江海性真聊適蜩鷃蒿蓬刮眼青天驚心黃葉立
盡梧桐月正中凄然久看物情終竟不似春容
又甲辰餞尤木石赴九江帥

大江之西康廬之陰壯哉此州有舳艫千里旌旗百
萬襟喉上國屏翰中流彈壓鯨波指麾虎渡着此商
川萬斛丹青氈舊看崇詩說禮後帶輕裘

十年泉石優游久高卧元龍百尺樓正九重側席相
期巖弼一賢砥柱聊試邊籌了却分弓歸來調鼎得
見茂洪何復憂談兵暇問琵琶歌曲無恙還不

又甲辰壽王總侍

北固臺端南渡後來無此偉人自從容佐鼎光華攬

轡幾年中外屬目經綸萬竈炊煙千艘漕雪手整江
淮如掌平詩書效看馬騰士飽酒好兵精

平生餘事功名豈管葛諸人能擬倫暫牙籌游戲小
淹惟月金甌注想便合為霖沆瀣一襟風流八詠秋
入詩壇如許清為公壽有黃花不老長伴香名

又餞鄧季謙赴班

攬秀岷峨着鞭江淮諸公所竒對塞垣煙淡相隨弓
劔城樓月落幾共燈碁驛柳搖黃溪桃漲綠穩趁春
風度玉墀亭衢去看紫微紅藥太乙青藜

孤山若放梅時莫忘却揚州曾有詩張英游難駐堪
吟隻影中年易感祇付隻眉珍重父情勉旃時用回

首岫雲從此歸能相憶有好音遺我在水之湄

又餞稅巽

唐人以處士辟幕府如石溫輩甚多稅君巽甫以命士來淮幕三年矣畧不能挽之以寸巽甫雖安之如其歎何臨別賦沁園春以餞

水北洛南未嘗無人不同者時賴交情蘭臭綢繆相好宦情雲薄得失何知夜觀論兵春原平古慷慨事功千載期蕭如也料行囊如水只有新詩

歸兮歸去來兮我亦辨征帆非晚歸正姑蘇臺畔米廉酒好吳松江上蓴嫩魚肥我住孤村相連一水載月不妨時過之長亭路又何須回首折柳依依

又丙午登多景樓和吳履齋韻

天下奇觀江浮兩山地雄一州對晴煙抹翠怒濤翻雪離、塞草拍、風舟春去春來潮生潮落幾度斜陽人倚樓堪憐處悵英雄白髮空弊貂裘

淮頭虜尚度劉誰為把中原一戰收問只今人物豈無安石且容老子還訪浮丘鷗鷺眠沙漁樵唱晚不管人間半點愁危欄外渺滄波無極去、歸休

又丙午和淮安朱贊府韻以同在

紫金山前鐵騎圍中惟公尚知悵當時州角魚猶同隊如今縞鬢鷗已忘機故壘荒榛羣賢拱木疇記官軍夜戰時不圖見獨歲寒不改老氣猶奇

嗟哉月駛舟移四十載光陰昨夢非嘆荷薪弗克祇
慙弓冶高柴却掃絕望簪生菌短椿長鷄微鵬巨天
分當然何足疑聞公里有磻溪堪釣盍亦云歸

又丙午壽常丞叔

大踈歸來小阮適閑喜同此時問垂弧歷載幾番遙
祝舉觴華旦相會良希頌以松椿酌之椒栢預卜明
年百事宜春猶淺趁雪晴梅放且和新詩
公雖厭直蘭闈如正色朝端當宁知看大廷諸老爭
推前席吾家五祖自有傳衣暖律初回要津立上卿
相時來皆可為祈公壽與東君不老南極齊輝

又庚戌初度自賦

弧矢四方江漢一萍少年壯游嘆而今老矣祇宜野
服欲何為者還着輕裘匹馬蕭蕭孤鷺杳杳城郭重
來空白頭西風裏對一番新月又荻花秋
依然千古荊州問劉表諸人還在不在向亭前舉酒不
堪北顧船頭擊楫忍負中流遠水長天淡煙衰草還
是當時王粲樓何如且倩吳歌楚舞一洗新愁

又月夜自和

嗟矍鑠翁對婢娟月懷汗漫游悵江湖幸有季鷹鱸
膾田園忍負晏子狐裘丹桂開時青蘋渺處家在三
吳天盡頭庭臯靜又一番葉落天下皆秋
少年弓劍邊州驚轉首黃梁還夢不嘆悠悠千載閑

山無恙，一水歲月俱流。鏡老菱花，茹悲蘆葉新。
鴈數行人倚樓，君知否？把眉峯，感破豈為身愁。
又中秋約僚佐觀擊圓登懷遠用前韻

喚麴生來與常娥約，從大守遊把玉簫聲寄蕭闌短。
笛霓裳曲換清塞，重裘桂影飄搖桐陰立。盡多少，征
人霜滿頭，油幢暇不掀髯一笑，辜負中秋。

斗杓蠹處中州，還有解聞雞起舞，不看鳴弦中鵠穿。
揚電激飛毬戲馬，策筌星流繡帽歸軍，玳簪環客薄。
晚同登，庾亮樓浮生事，是幾番。既月何苦多愁。

又以雨不克登樓用韻

麴生來言素娥寄聲，偶闌苑遊，問去年今夕逢余桂。

嶺前年今夕見子，菟裘何事塵勞啓，人厭倦癡兔老。
蟾因縮頭，宜珍重要，相期後會，直待來秋。

休、莫舞涼州，豈巫女風姨相妬，不枉停歌，準擬冰
輪東上，持盃頽戀銀漢西流。一笑天慳，四并時少，應
負珠簾十二樓。呼蕉葉且與生，酌古排遣，牢愁。

又餞總幹陳公儲

百尺樓頭，奇哉此翁，元龍後身，當壯年襟度，百川鯨
吸，平生出處，一片鷗輕冷，淡浦梅林，滌旭草，但見風
雷筆下，生荊州，幙覺生間小異，乃有期人。

牙檣喜色，津津正江影，涵秋無點塵，對白蘋黃葦，且
供詩卷，紫薇紅藥，却演絲綸，舉酒延瞻，倚欄聞鴈，應

念征人歸尚春君王問儘不妨細說萬里戎情

嗣男 杓 編次

可齋雜藁卷之三十二

可齋雜藁卷之三十三

詞

水調歌頭

甲申春利州漕解翫
月聞琴和周昞仲韻

一段太清境誰幻出堦坳不知身住何處爽氣逼霜
袍但見人間一樣似夜又還非夜棲鳥不安巢認得
在塵世禁鼓二更敲

最快看來竹底上梅梢幾家朱戶不如兒女醉蓬茅
誰把琴聲三弄不管騷人幽趣似向曲中嘲長嘯賦
赤壁有酒更無肴

又再和

夜永厭銀燭移步下堂坳秋風昨夢少年高興鵲成

袍世上癡兒睡去歷々江山細數孤鶻嘯危巢地靜
未容去門掩不妨敲
轉魏闌低畫桶落寒梢南樓老子爭似短笛一椽茅
無色界間長嘯不夜城中高卧隨意弄詩嘲洗竿要
更酌為我問佳者

又丙戌壽蜀閩

千一載英傑百二國山河提封幾半宇宙萬里仗天
戈十乘晉軍旗鼓三歲秦關高鎖地利屬人和位次
功第一未數鄴侯何
建青油持紫荷聽黃麻乾坤整頓都了玉殿侍義娥
且醉東湖花柳却泛西湖舟揖留不住茂哉誰為語

儒館濃墨被詩歌

又代壽昌州守叔祖

三蜀最佳處昌是海棠州清香燕寢間暇人與地風
流十萬人家壽域六七十翁兒狀眉壽祝公侯誰為
語廊廟且許冠恂留
過書雲纔幾日記千秋祖孫卮酒相賀慶事襲箕裘
自有詩書萬卷安用田園千頃松菊足優游持以壽
公者梅萼伴清脩

又丁亥重陽登益昌二郎廟樓

老子世比客家本住吳頭登臨聊復爾耳佳節懶為
酬剛被西風斷送又為黃花牽帥草創作斯遊目力

眇無際更上一層樓

對長江流不盡古今愁憑欄正擬一笑襟抱怯於秋
高處令人心悸放曠舒懷何暇好趁醒時休留取江
湖量歸去醉中州

又丁亥送方子南出蜀

行客送行客况又值新秋萼卿此去萬里先我上扁
舟三載烏奴聚首異縣鄉情對語乘月幾登樓去
遠蜀口日望吳頭

丹青手描不就此離愁半生萍梗江漢別恨最綢繆
遠水長空一色風順波平如掌鴈序際天游故舊有
相問猶滯劔南州

又已未沿檄過穎壽

驟雨送行色把劔渡長淮西風吐吐恠事吹不散煙
霾才是橙黃時候早似梅邊天氣寒意已相催老子
尚頑耐僕馬苦虺隤

嘆平生身客路半天涯飛鳶貼貼曾見底事又重來
回首白雲何處目送孤鴻千里去影為徘徊籬菊漸
秋色杜甕有新醅

又和吳鶴林舍人送楊帥韻

萬里長淮北青是漢時山幾年壁壘相望高枕度春
閑不道草廬豪傑手袖伊吾長劔馳志在樓蘭鐘鼓
令秋蕭羶蜀膽冰寒

詩書帥金橫帶玉為鞍天生如結數輩虜豈易江南
京索成臯此際東郭韓盧俱困故老正爭看琳檄未
能草馮缺直空彈

又庚子壽制閩別尚書

峴山羊叔子江左管夷吾勲名掀揭宇宙金匱侈丹
書兩載風寒卧護一柱狂瀾屹立形勢壯陪都功業
笑兒輩別有大規模

看東歸遊鳳沼轉鴻樞不應廊廟人物猶佩玉麟符
好是茅峯仙客更與鍾山佛子同日慶垂弧一飲共
千歲永輔皇圖

又庚子送周昞仲赴江東幙

簪履盛元幙領袖屬英游登車攬轡餘事何止客諸
侯看盡巫雲岷雪却訪廬峯湓浦砥柱贊中流百疊
青山路一片白蘋洲

今日事風濤上一虛舟長江萬頃寒碧猶謂馬能浮
况是眼前局面心腹憂如邊角勝著賴帷壽談笑濟
時了勲業邁前修

又辛丑送胡子安赴遠安

風捲江湖浪舉足是羊腸峽山知在何處榛莽更淒
涼不為淵明五斗直為班超萬里雅志未能忘耿耿
富襟抱行討有詩囊

溯吳頭逾楚尾界瞿塘從它眠燕語留不住征檣

芳草天涯彌望着我飛鳧來去在，可徜徉持此見
劉表抵掌與談王

又甲辰中秋和傅山父韻

幻出廣寒境羅鞵淨無塵素娥風格分明玉骨水為
神手攬清光盈掬眼看山河一色閱盡古今人對景
且長嘯一酌甕頭春

千萬頃琉璃色楚天清庾樓袁舫何事汨，主和賓
但見老蟾無恙不管鏡圓鉤闕寒暑任相更此夕幸
無雨何惜放顏醺

又幙府有和再用韻

碾就一輪玉掃盡四邊塵白乎不涅不磷千古此丰

神領畧常娥體態寂寞調僊材調四海豈無人安得
金丹訣長駐玉顏春

鏡圓明冰樣潔水來清良宵難值如許何惜且留賓
擬喚拒伊三弄影轉盡欄西畔鍾鼓趣殘更肺腑盡
霜雪麴蘖不能醺

又再和

久欲乘槎去間闕幾仙塵乾坤烟，不夜造化抑何
神誰道二分無賴到處一輪都滿天未始私人今夕
果何夕非夏亦非春

風露下明作哲聖之清紛，浮世代謝燕客與鴻賓
歡恨離愁盡掃謝賦鮑詩高束一枕聽嚴更爾自屋

梁落吾已醉醺醺

又送制參向君玉歸里

薄酒長亭別飽飯故園歸兩年婉婉席上甘苦每同
之駉驥群中獨步麋鹿興前不瞬孰可與爭馳力挽
不能寸健翮遽斜飛
經營事艱難狀老天知區區塞馬得失一笑付觀碁
用則風雲萬里不用煙霞一壑兩鬢未應絲回首烏
牆外鷗鳥自忘機

又乙巳九月壽城獲捷和傅山父凱歌韻

壁壘壯西塞形勢古州來九重廟筭徑遠邊隙肯輕
開整頓金城千仞遮護風寒數處蛇豕敢當哉惆悵

倚長劍掃未盡煙埃

騎連營橋列柵木成排老酋魚釜視我孰與障吾淮
橫槊衝圍四出北府牢之何勇新進喜多才老子可
歸矣擊壤樂春臺

又幙府有和再用韻

橐類上秋色朔漠寇南來斧塘鋒蝟螭集腥霧掃難
開細看眼前局面驚落人間七節砥柱者誰哉能虎
賈餘勇狐兔等輕埃

砲雷轟戈日耀陣雲排不圖風定波息談笑靜長淮
休詫穿楊妙手乘早開籃抽脚誰拙又誰才束起樓
蘭劍歸釣子陵臺

又戊申和八愬叔為壽韻

壯志小鵬背萬里欲乘風馬瘠衰散老來無復舊遊
重楚尾吳頭蜀口三十載間陳跡哀、水之東休說
射鵬手且學釣魚翁

奚為者聊爾且此山中壺觴自引不妨換羽與移宮
蓬矢桑弧何事朝菌大椿皆分識破色俱空掬潤弄
明月長嘯倚青松

又再和

鴻鴈未應到可恠此番風木犀天氣何事爽逼夾衣
重長記呼韓塞下每向飛廉聲裏占見馬蹄東今且
閉門睡都不管山翁

李北平班定遠魏雲中紛紛成敗任取勲業紀南宮
幸得明朝無雨定是中宵有月莫放酒尊空起舞弄
庭葉清影伴巖松

又招八愬叔托疾再和

一番蓼花雨幾陣桂枝風杖藜多暇準擬同醉小山
重底事阮郎清致苦托休文瘦損只尺阻西東秋色
浩如許豈可欠詩翁

門前事都莫問付盃中紛紛、蠻觸等耳富貴大槐宮
何惜振衣而起相與凭欄一笑抵掌共談空佳客儻
不至推枕卧雲松

又戊申送厲守赴濡須漕

締好恨不早覲面雅相知璿星樓上一見天產此英
竒功在淮梁砥柱政藹漢扶襦袴僅借冠帽暮愼愼
劍花冷手欲繪鯨鯢
濡須塢咽喉地腹心誰公其攬轡憑軾勳業笑談為
貫索旄頭息燭斗極泰階動色歸佐太平基客有問
僕者只說在漁磯

又已酉宿樟原驛得雨

之子問行役火傘正當天酷哉幾可炙手流汗滿襟
沾僕、長亭古道人在竹輿何似甌釜受蒸煎帝憫
蒼生熱勅下九龍淵
命豐隆驅屏翳起蜚廉神之一炊黍頃蒸氣遍垓垓

洗滌山河塵土轉作清涼境界物類舉醒然稽首謝
天賜伸脚快宵眠

又題臨江驛和徐意一韻

君莫厭行役易爾此非難人情無已久陰憂潦霧憂
乾借得庭軒一榻忘却征塗炎暑小駐滄龍團世路
任渠險襟抱五湖寬

嘆平生環轍蹟已蒼顏梅花雪片萬里奚又繫南冠
應是江山好處猶待推掛老眼天未許休官莫憶故
園竹日、報平安

又庚戌壽靜齋叔

喬水光盤谷仙李盛峨岷參橫井轉月邊猶賴有長

庚傳得丹溪正派更是平庵宅相夷路早蜚英十載
星沙幕一片玉壺冰

題輿了千萬里盡雲津渚宮小駐不妨談笑對秋城
西去憑熊駕駟東下握蘭持素袞看崢嶸願借鸞
峯桂歲以壽金觥

又辛亥中秋和陳次賈用坡仙韻

萬里淨無翳一鏡獨當天老蟾癡兔頑甚閱世幾何
年任爾炎涼千變不改山河一色爽氣逼人寒何必
乘槎去直到斗牛間
歎嫦娥元不嫁只孤眠古今遺恨不能長似此宵圓
我有竹溪茅舍辨取金風玉露一笑四井全細和坡

僊句低唱教嬋娟

嗣男杓編次

可齋雜藁卷三十三

可齋雜藁卷之三十四

詞

滿江紅 丁丑登均州武當山

鎮日山行人倦也馬還無力遊歷處總堪圈畫只供
吟筆澗水綠中聲漱玉嶺雲白外光浮碧信野花啼
鳥一般春今方識

真可羨林泉客真可嘆塵埃役想希夷冷笑我曹蹤
跡七十二峯神物境幾千萬壑仙人室待身名辦了
却歸來相尋覓

又 甲申春侍親來利州道間

袞、青春都只恁堂、過了纔解得一分春思一分

春惱兒態尚眠庭院柳夢魂已入池塘草問不知春
意到花梢除多少

花正似人、小人應似年、好奈吳帆望斷秦關聲
杳不恨碧雲遮鴈絕只愁紅雨催鶯老最苦是茅店
月明時雞聲曉

又甲申壽蜀閩

天顧坤維煩紫氣來從南斗鞭纒定多、塞上詠薇
吟柳少借日邊霖雨望教知天下風雲手聽吾民爭
說近年無前朝有
平安夜舒長晝笳鼓靜笙歌奏記西湖五月藕花時
候待把鴈門冠帶了歸來麟閣丹青舊放蜀山萬點

入樽罌為君壽

又甲午宜興賦僧舍墨梅

姑射山人僊去後唯存標格猶賴有墨池老手草玄
能白留得歲寒風骨在豈煩造化栽培力有世間肉
眼莫教看非渠識
元不夜枝何月元未臘花何雪最孤高不受多情輕
折只有暗香天靳予黃金作指難為術更若將解語
付真、空成色

又丁未初度自賦

老去生涯都付與一丘一壑功名事慙非好手幾逢
危着走馬鬪雞年少趣雅牛醜酒軍中樂到而今渾

似夢中看休、莫

江湖路西風惡霄漢志秋雲薄更那堪州鐵鑄成重
錯當貴買臣母足羨知非伯玉真能覺問心期應有
海翁鷗山人鶴

又八牕叔和再用韻

竹馬同游平生志相期霄壑今老矣儒冠寧誤戎裝
徒着捲起鯨鯢江海事放教禽鳥山林樂問尚堪舞
劍渡河無公應莫

粟可飯衣從惡秋可酒茶勝薄但此身長健老天不
錯竹院晝閑參內景蒲團夜坐披圓覺願此生無愧
北山猿西湖鶴

又再和

小小池亭髣髴似洛川巖壑天付與老身游戲餘生
喫着贖喜酒能消世慮翻疑書解妨人樂聽兩翁白

雪寄新詞愁言莫

母自嘆蒿萊惡甘自味齏鹽薄對亂花叢竹翠紅交
錯元亮悅聞親友話羲之常恐兒曹覺望碧雲休憶
女乘鸞人騎鶴

又再和

既作閑人便應付此身溝壑不應更將愁半點寸心
中着責子淵明徒自苦憂君范老何時樂縱一朝一
詠欲奚為何如莫

不自鄙葵蕤惡還肯薦茅柴薄任侯門海陸雜陳珍
錯有暇盍聯車騎過相忘勿遣詩情覺怕家僮無處
買尊鱸烹琴鶴

賀新郎甲申代親庭送崔菊坡出蜀

萬里歸朝去倚江亭綠波碧色一川晴絮贏得威名
留草木玉壘雪山高處未應減平淮裴度見說金甌
書字以待公來便作商巖雨休忘却蜀都賦
旌旗回首春城暮聽檣頭飛燕似把人情低訴兩兩
三三鷗鷺裏拍船兒一羽筭惟有清芬載取百萬
人家兒樣愆恨抑風不為留連住離夢遶沙隄路

又己丑為親庭壽

滿酌荆州酒望菜庭斑衣拜祝俾吾親壽玉水雪樓
游宦地近訪甘棠依舊逢父老頌聲盈口爭道蜀邊
勞數載也真宜略伴雲橫岫小兒輩任成否

東臯十月梅開後想親朋團窠一笑從容觴豆塞上
弓刀成底事不遇腰金如斗筭不直淵明株柳只恐
鯨鯢無計取更須煩綠野持竿手看勲業國長久

又庚戌和薛制參賦雪韻

將謂霏微雨恍朝來虛簷生白寒侵冒絮擬和鹽花
凌謝韞巧思翻成金注誰寄我雪車水柱釀熟羊羔
爐擁獸羨畫樓金帳調宮羽人應共迴風舞
圍場校獵淮雲暮記當時銀杯縞帶網禽且免老去

不禁鞍馬力獨對愁吟似甫問一棹剡溪何處願與
鐵衣春解戎把梁園舊話供兒語孤梅外夢兔度
又再和

纔過黃花雨問長堤依、萬柳未春何絮一目河山
銀幻出驚詫夜光流注巍觀矗玉為雲狂風捲寒蘆
迷過鴈渺滄波莫認沙鷗羽千萬蝶空中舞
霸橋寂寞前溪暑聳詩有霜裘擁貉月毫揮兔記得
梅奴曾索笑解珮如逢交甫今孤壘寒煙淅處休說
鵝池平蔡事慶新年一稔驩相語持大白勿虛度

又辛亥初度自賦

幸得閑中趣問何為修踰桂嶺重來荆渚喚醒門前

弧矢夢鉤月相輝初度謾羞聽軍中鞞鼓馬上弓刀
成底事僅平明旆入襄州去能不愧古羊杜
此生何以酬明主帳新來鬢毛添白衰容如許三萬
貌貅齊賈勇好為一清狐兔看柳色大堤如故世事
付之盃酒外那甚邊得失都休語來共看鴈兒舞

念奴嬌

壬午徽州道間

黃梅過雨望隔林一縷長煙浮碧亟擁征鞍尋午夢
卧看青山排闥掃戶風清拂簷雲淡爽氣生蕭髮黃
梁鷺覺子規枝上啼徹
堪羨麥熟蚕成酒香雞嫩風味農家別幸有住山供
活計何苦江湖南北菊老陶園瓜荒邵圃空負干時

策洛陽三頃勝如金印六國

又見鄭文昌于上栢

平生宦海是幾番風雨幾番霜雪綠野未歸身強健
鏡裏微添華髮劍束林頭書尋架上富貴輕於葉南
坡石竹年來尤更清絕

好是梅塢松閣對湘溪一曲翠屏千疊拄杖籃輿詩
卷裏尚小東山勳業只恐鷗盟難忘鶴怨未是閑時
節片雲收却照人依舊明月

又丙午和朱希真光未可喜韻

云胡不喜得抽脚籃中安身局外世路風濤都歷遍
幾度眉攢心碎八尺藤床二升粟飯方寸恢餘地翻

雲覆雨從伊造物兒戲

不見刻木牽絲雞皮鶴髮弄罷寂無事隨分風光堪
領略聊放踈狂些子劉項雌雄跡顏修短無彼亦無
此茅簷高卧不知春到花底

又己酉振鷺驛和黃茶坡韻

浮生如寄嘆征塵驅我擔簦西去煙嶂雲屏相迎送
幾幅鵝溪縑素揮汗流金飲冰漱玉桃葉呼前渡若
將有意道傍一鷺延佇

細讀壁上龍蛇太丘筆在更著茶坡句樽酒十年今
白髮不改江流東注勝槩難逢旅懷易動信美非吾
土恨無六翮長風萬里高舉

滿庭芳

丙午登多景樓和王總侍韻

浪拍金鰲春浮鐵甕氣清天朗如秋江阜無事飛蓋
強追游萬頃蒲萄光裏風檣共塔影悠悠人間事年
華似擲一水與俱流

綢繆千古恨紛紛離合晉宋曹劉望長安何處落照
西頭往事蒼苔陳迹夷吾在吾屬何愁清樽畔誰能
為我一曲舞梁州

又丙午宜興山間

山接平蕪烟橫遠墅修眉淡抹晴粧菊梅交際天未
十分霜幾許無窮秋思空凝汀衰柳斜陽溪頭路黃
蘆一片鳧鴈兩三行

平章風景似畫圖一幅着我徜徉山中無事聊爾適
吾狂不用登臨感既青帘外新酒堪嘗何為者東家
宋玉千古嘆淒涼

瑞鶴仙 戊申初度自韻

百年過半也悵壯心零落鬢星星也風兒漸涼也近
中秋月兒又初生也田園暇也矍鑠哉是翁也記當
時弧矢垂門孤負四方志也

休也牙籤插架玉帳持麾揔成非也浮生夢也皇
欲奚為也趁身閑隨分麤衣淡飯一笑又何妨也問
神仙底處蓬萊醉鄉是也

喜遷鶯

乙未中秋同諸北客
翫月于潁州之南樓

輕雲暮捲望澄空如水千里一碧菱鏡水懸桂輪玉
碾喜見中原秋色老蟾炯、無翳閱盡塵寰今昔堪
恨處度霓裳曾到長生宮闕

坐客休嘆息看此清光天豈限南北便好乘風為持
玉斧修取山河如一西湖舊時花草會遣孀娥重識
從今去舉太平翫事長如今夕

聲聲慢賦紅梅

紅銷剪就絳蠟鎔成天然一種仙姿竹外家風淒涼
儉薄為宜東君苦憐消瘦強教伊傳粉勻脂較量盡
勝天桃輕俗繁杏麤肥
好是新粧雅態對疎蟾淡、薄霧霏、迥出紅塵輕

盈玉骨冰肌猶嫌汚人顏色誰云似號國娥眉香韻
別怕滿園蜂蝶未知

又和韻賦江梅

修潔孤高凌霜傲雪滿然塵外丰姿一白無瑕玉堂
茅舍俱宜飄、羽衣縞袂都不染富貴膏脂調美事
看水邊清瘦而後紅肥
偏愛春工尚淺向南枝信透東閣香霏翠袖猶寒不
禁弱質柔肌渾如故人邂逅聊相與一笑開眉歸去
晚任簾櫳深閉未知

青玉案癸未道間

棲鴉啼破烟林暝把旅夢俄驚醒猛拍征鞍登小嶺

峰回路轉月明人靜幻出清涼境
馬蹄踏碎瓊瑤影任露壓中紗未收整貪看前山雲
隱翠微深處有人家否試擊柴扃問
又丁未壽八愬叔

去年曾借梅為壽轉眼垂弧小春又一笑巡筵清影
瘦雪邊聊且收香藏白少俟融和透
新來東閣高吟就金鼎家聲自依舊喚取玉妃重舉
酒百花頭上一枝芳信終屬東君手

好事近 甲申春益昌作

春在粉牆西牆裏不知春色惟有桃花一樹似故園
曾識

晚來携客上南樓山外又山隔準擬清明何處問東
風知得

柳梢青

丙戌送陳仁父赴班

萬里青天西來後我先我東歸夜月鞭籌春風幕府
鶚薦爭推

盃行到手休辭道秋菊春蘭有時若到松江莫驚鷗
鷺記取坡詞

虞美人 己亥春

韶華只隔窻兒外病起昏於醉花開花落總相忘惟
有夢隨胡蝶趁春忙
故園芳草應如舊只恨人消瘦擬憑飛燕語歸期拚

却牡丹開了有餘醪

減字木蘭花

丙午和朱希真韻

無可不可還你天公還我、味觸聲香盡付莊周蝶
滿床

謾天不遏留取心機休用破淨几明窻樂取閑中日
月長

又再和

如何則可我亦不知其謂我隱几焚香對酒一壺書
一床

知仁觀過渾沌翻憐誰鑿破寄傲南窻堪羨淵明滋
味長

西江月 宜興山間即事

不暖不寒天氣無思無慮山人竹窻時聽野禽鳴更
有松風成韻

竟日蒲團打坐有時藜杖閑行呼童開酒薦盃羹歆
睡携書就枕

又再和

排遣新寒有酒追尋舊隱無人四山朔吹又冬鳴吹
送午鍾餘韻

過眼霜高木落寄心月駛雲行歸歆閉戶飽藜羹世
事華胥一枕

糖多令

庚戌六月赴荆闔宿江亭

楓荻響颼、長江六月秋二十年重到沙頭城郭人
民那似舊曾識面兩三鷗
落日且登樓英雄休涕流望黃旗王氣東浮借問烟
蕪蒼莽處還莫是古襄州

點絳脣 辛亥餞陳次賈歸

懶上巍樓楚江一望天無際漫游萍寄莫挽東流水
一片秋光直到山陰里人還記戍邊歸未更憶鱸魚美
摸魚兒 送實制幹赴漕趁班

趁西風且登黃鶴揮毫先奏秋賦燕山桂種清芬在
人物翻、如許堪羨處長安近蟾宮相繼金闈步佳
哉盛舉看精淬龍泉厚培鵬背自此要津去

荆州事多幸鄉情相予幾番燈拆棊墅轉頭江闊輕
帆速夢入吳松鷗鷺君記取舊王粲曾言信美非吾
土故人相語為細數艱難滿頭雪白無奈戍邊苦

又

對垂弧引觴一笑淒涼薄分天賦丁年馳騫弓刀後
報國孤忠自許堪嘆處今老矣強顏猶踵邯鄲步安
能遠舉謾目送征鴻夢勞胡蝶無計便歸去
清閑祿舊說天公靳予何時松菊村墅生非燕領鳶
肩相豈是觚稜鷺鷥收拾取休直似文淵定遠空懷
土阿戎可語待乞得身還屏伊世累甘受作詩苦

朝中措

送管順甫赴漕

少年隨分賦鸚洲得意桂花秋今日送君行色夢和
月到南樓
材名仲父辭華季子香滿南州勉力中流擊楫直須
連釣鰲頭

齊天樂

壬子和陳次賈為壽韻

今年塞上秋來早昂街尚餘芒曜舉目關河驚心弧
矢顧我豈堪戎纛幾番鳳誥愧保障何功恩隆旒藻
笑指呼鷹露花烟草憶劉表
頭顱如許相與歲寒猶賴有白髮公道對月懷人臨
風訪古往事淒涼難考何時是了莫馳志伊吾貪名
清廟松菊歸來稽山招此老

八聲甘州

壬子餞帥機沈好問

正蓴鱸佳夢繞吳鄉牙檣忍輕離向仲宣樓上凭高
舉酒幾共燈棊曾記少陵留詠出幙合持麾飛蓋長
安去華貫平躋

好是倚門迎笑恰野堂雲壑菊後梅時慶鳳雛新長
携手奉萊衣撫孤松絕勝細柳念征人徒老玉關西
歸來也幅巾藜杖辦取追隨

又

壬子九日約諸幙客游龍山

領青油車騎出郊坰來遊晉龍山喜水天澄霽稻畦
鎌淨榆塞戈閑登高謾醅佳節一笑破蒼顏贖泛茱
萸菊盃莫留殘

休說參軍往事意當時凝眺不到長安賴座間小異
豪氣眺塵寰到如今祇成佳話記封姨曾薦衆賓催
吾曹事有如此酒要其彈冠

又自和

悵浮生俯仰迹成空依然此江山對秋容如畫天長
鴈度水闊鷗閑追游未甘老態憑酒借紅顏歸騎斜
陽外柳老荷殘

幸對黃花時節喜賓朋晤語烽火平安僅風巾一笑
名尚滿人寰要流芳相期千載肯區區徒戀片時懽
姑聊爾招呼楚調慰藉南冠

滿庭芳 壬子謝呂馬帥送蟹

八足橫戈一身裹甲將軍致爾來前呼僮解縛亟薦
澤虞鮮族類橫行草地今駢首鼎鑊連荆江上不
圖霜後風味似吳天
晴川千里外分甘遺遠多謝勤拳對香棖新酒一洗
腥羶慰我吟情歸思都忘却張孟鱸編持螯了老饕
作賦佳話楚鄉傳

嗣男 杓 編次

可齋雜藁卷之三十四



